

Praelectiones Medicae

Docem. — 1778. —

23,049/A

Leaf 53-117
4136



PRÆLECTIONES MEDICÆ DECEM,

HABITÆ

IN LUDOVICÆO MEDICO
MONSPELIENSI,

Prò Regia Cathedra vacante

Per obitum N. D. GABRIELIS-FRANCISCI VENEL,
Regis Confiliarii & Professoris meritissimi,

Ab HENRICO FOUQUÉT, Monspeliensi
D. M., Nosocomii Regii & Militaris nec-non
Arcis Monspeliensis Medico, Societatis Regiæ
Scientiarum, & Academiæ Ricovrat. Patavinæ
Socio, Aquarum Mineralium Occitanix Inspectore generali.

Verùm hæc nobis. . . . Certamina

Ex honesto maneant.

TACIT. Annal. lib. III.



MONSPELII,

Apud JOANNEM-FRANCISCUM PICOT, Regis &
Universitatis Medicinæ Typographum unicum.



M. DCC. LXXVII.





PHILIATRIS AMANTISSIMIS,
CARISSIMIS AUDITORIBUS,

SALUTEM.

III As ego Prælectiones meas immeritæ
perfectò luci committo, quæ utinam
vobis ut optatissimæ, ita & per-utiles
veniant: At vestram certè opinionem &
multorum de me expectationem fallent;
parùm enim gloriæ meæ sollicitus, unum
hoc mecum statui ut studiis vestris prodes-
sem, & prò ingenii mei modulo præluce-
rem. Neque illas alio verborum delectu or-
natuque scriptis profero, ac voce nuperri-
mè in inclyta Academia protuli; *non stilo*
oratorio, sed nostro scholastico & umbratili
more, id est nudo ac simplici orationis
genere, quale veritatis proprium esse ait
EURIPIDES; non ad permovendos animos,
sed edocendos (1); præsertim cùm impro-
visa mihi singula rerum argumenta, agi-
tatâ sorte exierint, statimque fuerint per-

(1) M. Anton. Muretti orat.

tractanda, & successivè, non nisi exiguo interposito temporis intervallo, pronuntianda; disceptationi verò cuilibet ne media quidem pars horæ concessa est. Debuerant, sentio, omnia ferè corrigi & emendari, ampliari alia, alia restringi, quædam etiam dividi membratim & in plura distribui, & ea quidem prò viribus præstitissem; verùm ingruentibus concursus exercitiis, cæterisque operibus meis diurnis, labori, heu! nimis necessario, defuit tempus; defui meæ ipse vel famæ vel gloriæ, ne vel desideriiis vel progressibus vestris deessem. Poterunt hi quondam surculi, in arborem crescere ramis & fructibus uberiores; ast præstantiora quidem speranda habetis, ex Prælectionibus quas, *non invitâ Minervâ*, vicissim edituri profectò sunt, egregii Antagonistæ.

Præterea, dùm ex quindecim Prælectionibus à me publicè habitis, decem tantum-modò vobis offero, non est quod facti hujusce ratio quempiam vestrum fugere debeat; etenim, quoniam, ut scitis omnes, æquissimorum judicum humanitas decreverit, ut inter Quæstiones *Triduanarum* assignandas, unicuique disputanti duo vel tria proponerentur ar-

v

gumenta de quibus jam iste in Prælectionibus egerat, hinc quinque Prælectiones meas Physiologicas ad binas tantum redigendas esse censui. Idem dictum volumus de Pathologicis quarum ex industria duas in integrum detraxi, nempe de *Anevrysmatibus internis & externis*, ut potè quæ tum quoad Theoriam tum quoad Therapeiam, fusè satis in Triduanis exposita leguntur, & satietas sit refugienda.

Porro in his omnibus, prò re nata, quædam circa Physiologiam & Pathologiam veterum dogmata, evolvenda fusius & discutienda censui, & frequenti etiam cum plurimis recentioribus nostris colluctatione conferenda, ut ex mutua sententiarum repugnantia atque conflictu evinceretur, quâ faciliori methodo juniores Alumni, præstantiora œconomiae animalis phænomena liquidò perspecta & penitus comprehensa habere possent. Quocircà, procùl amandatis absurdis & ferè obsoletis *Mechanicorum* principiis quibus spectatur corpus duntaxat ut physicum, nec non declinatis immodicis *Animistarum* dogmatibus, huic me opinioni mediæ adjunxi quæ ens hominis in hujus potissimum animalitate, philosophicè seu medicè contemplatur; quæ stu-

diosa contemplatio AMPLISSIMIS istius Aca-
demiæ PATRIBUS maximoperè probatur.
Ac ego proptereà Philosophicam illam
Græcorum & recentiore nostram Doc-
trinam conciliare inter se & commiscere
conatus sum ; illam quidem absurdis de-
fæcatam errorum commentis , istam ex-
purgatam putidis , & sæpè à longe pe-
titis vel æquò longiùs ductis hypothesi-
bus , ut ex utraque sententia inventis
aucta & illustrata novissimis , unum exur-
geret & coalesceret doctrinæ corpus , cu-
jus omnes partes cohærentes undiquè &
congruenter coagmentatæ , tam in Phy-
siologia quàm in Pathologia , ad Princi-
pium illud mirabile referuntur quo vivi-
mus , quodque in omnes corporis parti-
culas diffusum , inibi ad mortem usquè
plus minus-ve illæsum perseverat , prout
vel firma & illæsa , vel læsa & infirma
est valetudo. Hujusce materie specimen
utcumque attingit , nostrum *de fibræ na-
tura , viribus & morbis* opusculum (1).

Eidem semper inhærens proposito , &
novis quotidie auctus & circumfusus PA-
TRUM AMPLISSIMORUM luminibus , ac mihi

(1) *De fibr. natur. virib. & morb. in corpore ani-
mali, Dissertatio Med. Monspelii, apud Martel 1759.*

potissimum affulgente NOVA DOCTRINA (2), huc illuc corollaria disseminare ausus sum, quæ famosissimis *Mechanicorum* principiis apertè repugnant, & nuda tamen & simplici certissimorum experimentorum expositione, seù etiam narratione spontè manant. Non æquitatis minus quàm veritatis amicus, quorundam eximiorum in arte virorum, intactâ famâ & inviolato nomine, solos errores impugnavi qui eis fortè exciderant. Personam exui præceptoris, fungens *vice cotis acutum reddere quæ ferrum valet, exfors ipsa secandi*. Quò circa ut vobis tutò prodessem, non longè quidem excurri, cùm ea quæ ubiquè mihi in hoc *Ludovico* Medico obvia fiunt exempla, vobis proponere suffecerit, vosque vobismet-ipsis commendare. Sic eam de *Physiologia* & *Pathologia* doctrinam quæ mihi maximè semper arrisit, fuitque Magistris vestris probatissima, liberè aperui atque oculis vestris subjeci. Addam quod vobis atque aliis magnæ utilitatis esse duxi.

Nunc verò haud erit alienum breviter respondere quibusdam, etsi paucissimis,

(2) *Paul. Joseph. Barthez &c. Nova. Doctrina,*

Reprehensoribus qui me (præfiscinè dixerim) nemini unquam infensum, non tantum absentem in circulis & conviviis, morosè vellicant, sed esse interdum, etiam presenti, molesti solent. Aiunt enim perperam facere me qui cum iussus sum, quantum quidem vires meæ ferunt, veterum sententias tradere, eorum tamen fere dogmata ità propono & interpretor, ut exin theoria vulgatissima in plurimis rescindatur aut brevior simpliciorve exurgat, quâ vel Arabicis subtilitatibus, variisque aliis *Mechanicorum* figmentis plenâ ac penè præfocatâ multum delectantur & confidunt; quam reprehensionem, si ambitioni meæ servire vellem, nunquam equidem refellerem. Quid enim esse mihi gloriosius potest, quàm si vobis, JUVENES CARISSIMI, ea præcepta instillare dicar, quæ ad masculam & simplicissimam illam medicinam animos vestros alliciant, qualem è Græco fonte cadentem, ubiquè in suis scriptis edocent & profitentur, Medicinæ Gallicæ facilè Principes LIEUTAUD & DE LASSÔNE, quos Duces præclaros sequimur omnes? Sed ne quis sit error, hoc sibi responsum habeant Reprehensores, nempe theoriam & praxim nobis haud dubiè comprobari & admitti, sed ambas

tàm arctè invicem conjunctas , ut ferè omnes veræ Medicinæ partes , reverà practicæ simul & theoreticæ habendæ sint, vel solo Theoriæ medicæ nomine , etiam Praxis ipsamet intelligenda veniat ; licet vulgò praxeos nomen Nosologiæ vel Therapeiæ privatim tribuatur.

Sic igitur , diffitente nemine , *Praxis* propriè dicta facta diligenter colligit & ponderat , spontè ex iisdem consequentia pauca deducens , & sibi coævam & antiquiorum temporum experientiam ponè incedens consulit , eâque ferè dirigitur. Unitatem naturæ simplicissimam imitatur ut plurimum , naturam ipsam latitantem sagax auguratur , magistram curiosa auscultat , secura ducem sequitur. Quod si eam non possit certò deprehendere , illius quàm-proximè inhæret vestigiis , vel analogicè infectatur , cavens ne fortè in calles devios præceps ruat.

Non aliter *Physiologia* in extricandis motibus tùm spontaneis tùm voluntariis , Anatomix Philosophiæque face præeunte , tota incumbit , tota , inquàm , in perscrutandis corporis vivi phænomenis , seù Principii vitæ animæque immortalis effectibus in homine exspiscandis , allaborat , quatenùs ab organorum fabrica , situ , in-

x
dole, facultate, consensu, harmoniâ cæ-
terisque maximè pendent; undè factis
vel observatis æquè ac praxis innititur,
Analogiam quandoque ut ista in auxilium
advocans.

Analogia autem primum profectò hu-
manæ acuendæ rationi & ampliandæ orga-
non, vel simplicissimum argumentum ad-
fuit. Medicinæ præsertim summè oppitu-
latur, dùm scilicet vel plurimorum phæ-
nomenorum seriem ordinatam & succes-
sionem aperit, eorumque mutuam inter
se congruentiam, vel quorundam auxi-
liorum extensionem suadet, vel nova
præsidia detegit, &c. Interdùm tamen
mancum est organon istud; & meher-
cule, ait Celeberr. *Dominicus Cottugno*
(1), ut Analogia vim illam habeat quæ
fiduciam huicce plenariam mereatur,
phænomenum dari aliquod supponitur,
sæpius in Physicis difficilimè recurrens,
id est, ut verbis aliis utar, rarò inter illa
phænomena quibus maximè accommodan-
da sese præbet Analogia, extat vel perfectæ
vel adæquata similitudo. Etenim in sin-
gulis variis educendis, privatas leges,

(1) *Dello Spirito della Medicina, Discorso Aca-
demico 1772.*

variasque admodum combinationes adhibere amat fecunda parens Natura; undè liquet vel observata certa, vel Analogiam sæpiùs quàm putant, deficere necessariò. Atqui tunc sanè concedit ratio, ut tuæ tibi ipse sis autor sententiæ, ut nondum satis explorata naturæ phænomena quæ vel sensus fugiunt, vel explanationes varias admittunt, prò tuo captu & conceptu judices, & veterum inter ac recentiorum opiniones, amotis sæculorum præstigiis, ac magnorum nominum filente autoritate, libero audax judicio arbitreris, vel dubio sapienti tutus hæreas. Miser est qui id sibi juris non assumit, sed longè miserior qui nec sibi nec cæteris tribuit. Debent hujusmodi Medicinæ Canones, ut potè gravissimi, obversari cuicumque dicturo de opere medico judicium; Debent & obversari cuicumque vestrum hæc Prælectiones nostras lætítanti, si quem ex eis fructum delibare voluerit.

Definant igitur isti Blaterones me injustè laceffere, nisi veræ Medicinæ ignari prorsus vel obtrectatores haberi velint, aut etiam vosmet-ipsos inimicè insectari qui eadem omninò documenta, jam à nonnullis annis, in hacce ALMA UNIVER-

xij

SITATE medica , ab ore Anstistitum pen-
dentes cum maximo fructu avidè hau-
ritis.

Datum in Museo die 15 Februarii 1777.





PRÆLECTIO PRIMA.

De Certis & Dubiis in systemate Harveïano de circulatione sanguinis.



N limine Prælectionum quæ sorte contigere mihi, AUD. ORN., pertractanda venit Quæstio de *Certis & Dubiis* circa circulationem sanguinis *Harveïanam*. Hic penè hætenùs intentatæ questionis titulus (1), hæc mera problematis inscriptio, haud infulsè quidem AMPLISSIMORUM JUDICUM sapientiam diligentiamque commonstrat, qui discussionibus Dubitationis condimentò decenter imbutis, Dubitationis, inquam, quatenùs aucupandæ veritatis legitimum *Organon*, quæstiones enodari curant, exoptant. De nova igitur ac maximè momentosa Theoria circuitûs sanguinis, ut pote quæ, ab illius detecto, Doctrinam Medicam penè totam in Europa miscuit, ac etiam-nunc ubiquè fovet, tali criterio differere, hoc onus à me petitur suscipiturque. Quoniam verò ex decreto UNIVERSITATIS, tres Prælectiones huicce quæstioni publicè in Scholis evolvendæ jam impensæ sunt, & ex iis

si De hocce præcisè argumento, sub eodemque penè titulo, solus quem sciam Eruditissimus *Piquerus* Architecter Hispanus pertractavit, in suis *instit. Medic. ad usum Scholæ Valentinae*, &c. *Matriti* 1762.

plurima in *Triduanis* revocata leguntur, non nulla alia tantum hic addere juvat, quibus prædicta quæstio ulterius illustretur, ac detur illius solutio quædam expletior, nempe ad trutinam revocatis quibuscumque faventibus aut impugnantibus rationibus & experimentis.

Porro in hisce exequendis viam propositam constantem sequentes, omni ope conabimur efficere, ut in ista Prælectione æquè ac in subsequen- tibus, nequè prætermittamus necessaria, nequè inutilia consectemur. Vos autem, PHILIATRI AMANTISSIMI, OPTIMI ADOLESCENTES, quorum ingenia variis Scholæ Exercitationibus, nec-non Doctrinâ & exemplis PATRUM hujusce ACADEMIÆ COLENDISSIMORUM, quotidie præparantur ac præcoluntur, quæso, dum ad quæstionem propositam enucleandam accedo, ut si & in illa non levem dignitatem inesse cernitis, & me nullis vigiliis nulli deniquè rei parcentem ut vestris commodis consulam videbitis, industriam meam diligentiam ac benevolentiam vestram adjuvetis.

Circulatio sanguinis *Harveiana*, dicitur motus ille sanguinis, quò liquor iste ex pulmonibus in cor sinistrum delapsus, exin per aortam aliasque arterias benemultas ad usque illarum fines propulsus, per totum corpus diffunditur; atque hinc ab extremis venulis susceptus, à minoribus ad majores venas progrediundo, iterum ad cor rediturus, per utramque venam cavam in hujus dextrum thalamum evomitur, sic cursum in orbem conficiens. Hic autem motus circulatorius, à corde potissimum tanquam à primaria vi motrice, seu principio movente, determinatur efficitur; viscus enim istud nunc sinus suos pandit, nunc fortiter recludit ac constringit, quò alternatim sanguinem è venis illabentem excipiat, & per arterias expellat; tali mechanismo functionem sic dictam *vitam*, indefessè

peragens : sed hæc vulgatoria nimis , ut iis diutiùs immoremur.

Jàm verò cum rectiùs æstimari nequeat *Harveianum* systēma , nisi quâdam hujusce cum Veterum Doctrina de hoc eodem problemate factâ comparatione , hinc ideò quæcumque extant circâ motum sanguinis Priscorum monumenta , breviter exponenda veniunt. Hæc autem ad tria summa capita facilè reducas. 1°. Veteres sanguinem è vena cava delapsum in cor , ex isto per aortam arteriam in omnes corporis partes transmitti volebant , & ex hepate vel ex aliis partibus ad venam cavam attractum , ad cor iterùm propelli ; si quidem in hepate , sanguinis officinam primariam collocabant , ut videbimus dùm de *Sanguificatione*. Undè sanguinem , ad maximam partem , imperfectâ periodo moveri , juxtâ illam sententiam , in promptu est , cùm novus semper in hepate confectus , exin in venam cavam aut cor prolabatur (1). 2°. Sanguine è venis aut arteriis depluente , carnes omnes prolui , hocce trans poros aut meatus indefinenter traducto. 3°. Sanguinis partem aliam re & redire continuò per

si] Hanc sententiam *Tullius* in Libro 2 , de *Natura Deorum* , ubi non nulla Physiologica egregiè , suo more , loquitur , sequentibus verbis declarat. *Lapsus cibus in hoc ipso loco , id est jecore , in eam venam que cava appellatur , confunditur , perque eam ad cor confectus jam Coactusque perlabitur.... A corde autem in totum corpus distribuitur per venas multas in omnes partes corporis pertinentes*. Porro nullus nescit venas modò prò arteriis , modò prò venis ambas indiscriminatim apud Veteres haberi. De cæterò notare expedit , maximam tùm Medicorum tùm Philosophorum partem apud Græcos veteres , in progressu sanguinis orbem quemdam agnoscere. De hoc non nulla leguntur apud *Platonem* in *Tymæo* , & *Aristotelem* , qui ambo plura ex *Hippocrate* mutuati sunt ; quod idem , omni ævo , ergà medicos fecere Philosophi.

easdem vias , verbo , oscillare ; aliam hùc & illuc tùm *Magni Principii* , tùm organorum actione appellì , hic vel hærentem quiescere , illic celeriter rapi , alibi etiam lentius moveri ; qui quidem postremi motus anomali , præsertim in affectibus præter naturam , aut in spasmo febrili , aut etiam ab animi pathematibus maximè contingunt , notante præ cæteris Magno *Hippocrate* ; consentiente , ut videtur , sedulâ nudâque observatione practicâ , licet prædicta phænomena Theoriæ circuitûs *Harveïani* non parùm repugnent.

Porro veteres vel modicis experimentis , vel potissimùm ex solis observationibus practicis , id est phænomenis in corpore vivo attentè exploratis , suo que philosophicò vel medicò more pensitatis , motum sanguinis aut humorum æstimasse liquet ; dùm è contrà *Harveïani* , multigenis admodùm experimentis , variisque observationibus vitreis instructi , novam suam Theoriam & quidem solertissimè condidere.

Interim , veterum Doctrina cum observatione , nec-non cum præstantiori medendi methodo , aptissimè congruit ; dùm in Theoria *Harveïana* , omnia ferè objecta practica discordes utiquè exhibent Theoriam & Praxim , vel datur quædam spuria , jejuna & macilenta praxis , ideò vix medicis legitimis adhibenda. Hæc momentosa certè consideratio nonnulla dubia de systemate *Harveïano* , primâ fronte innuere videtur. An reapsè aliquò vitio culpanda *Harveïanorum* experimenta ? An leges quibus nituntur hydraulices , tanquàm Precariæ vel falsæ omninò expungendæ ? An deniquè in iis quæ exindè tantò nisu protulere , ratiociniis , nubem prò *Junone* amplexi sunt ? Quæstiones maximè quidem graves , ac molestis & lubricis difficultatibus utrinquè implicatæ , quarum attamen enucleationem , quatenùs solvendo problemati proposito

posito plurimum conferentem, totis proinde viribus assequendam nobis esse arbitror, nobis, inquam, qui verum invenire sine ulla contentione volumus, idque summâ cura & studio conquirimus (1).

Præcipua igitur quæ expendenda nobis sese præbet difficultas, versatur circa transitum totius massæ sanguinis per pulmones, illiusque in hoc viscere circulandi rationem, ut & modum quem ità fieri volunt, ut sit hæc circulatio veluti Compendium totius circulationis in reliquo corpore, & cor, singulis pulsationibus, eundem quem recipit sanguinem expellat. Hanc porro sententiam, *Harveïus* comprobare nititur, 1^o, Experimentis jam in *Triduanis* expositis; 2^o, Consideratione industriæ quâ Natura utitur ad devehendum sanguinem è corde dextro in thalamum sinistrum in fœtu humano, nec-non fabricæ & amplitudinis vasorum pulmonarium à *Columbo* observatis. Verùm quod ad compendium illud totius circulationis in pulmonibus, transitumque totius massæ sanguinis per illa viscera &c. pertinet, hanc Hypothesim convellunt, ut vidimus, (*loco citato*) argumenta *Celeb. Piqueri*, cui addendum dicebamus aliud CANCELLARII AMPLISS. argumentum, quod tamen sedulò ab aliis distinguendum volumus, licet ad Hypothesim circa velocitates respectivas sanguinis in pulmone & reliquo corpore evertendam, pariter intendatur. Et quidem, *Harveïanos* eorum propriis, ut ità dicam, armis solerter impugnat vir mox laudatus; namque datâ extremâ area alvei circulationis pulmonalis contractissimâ, ut patet, respectivè ad aream extremam alius alvei circulationis in reliquo corpore, nec-non æquali quantitate sanguinis è corde propulsâ, eodem tempore, ut supponunt, per extremas areas utriusque alvei fluente & redeunte

ad cor, tunc alterutrum dari necesse est, nempe sanguinem vel longè majori vel longè minori velocitate moveri in pulmonibus quàm in reliquo corpore (1). Animadvertere insuper incumbit, quod præter observationes *Illustr. Halleri*, constat ex *Celeberrimi Abbatis Spallanzani* observatis, sanguinem pulmonarem eadem velocitate donari ut plurimum, in vasis Palati & plurimis Cutaneis tum venosis tum arteriosis, sibi mutuò correspondentibus, imò & in mesentericis ac in pulmonariis; etsi paulò lentius in venis hepatis & lienis, liquor iste progredi videatur, juxta eundem *Oculatissimum virum* (2); undè, ut illud obiter notemus, de vena Portarum non omnino quidem dici posse videtur, hanc vices arteriæ gerere.

Quoad experimenta *Harveïanorum*, hæc prorsus infirmari vidimus, (in *Triduan. Quæst.* 3.) *Celeb. Fontana* (3) & *Spallanzani* experimentis, quibus evincitur non omnem sanguinem utriusque venæ cavæ, singulis pulsationibus, in cor immitti & ex isto per arterias propelli; quod observatis *Clar. Fontana* circa munus arteriarum Coronariarum, præprimis comprobatur (4). Prætereà, sanguinem

11] *Nov. Doctrin. cap. 2. de circul. sang.*

12] *De fenomeni della Circolazione &c. in Modena 1777. Dissert. 2. Risultati delle sper. della prim. Dissert.* Opus istud egregium, apud Genevenses ex idiomate Italico in Linguam Gallicam versum, mox Typis mandatum iri, nuper scribebat mihi Humanissimus ac colendissimus autor.

13] *Ricerche filosofiche sopra la fisica animale 1775.*

14] Cum novum istud Coronariarum munus decursim, ob temporis angustiam, ac proinde paulò inaccuratè expositum in *Triduanis* legatur, ut nullum de sententia auctoris Dubium remaneat, ipsummet operis *Clar. Fontana* textum Italum hinc adducere juvat. “Un nuovo uso pare che si potrebbe assignare all’arterie

minori impetu per arteriam pulmonarem, quàm per aortam urgeri docet Celeberr. Vir jam laudatus, nec-non sanguinem, vi remissiori, ex arteria pulmonari in thalamum cordis dextrum retrovehi, & in illa parte valvulas semilunares debiliores esse quàm illæ quæ aortæ prospiciunt.

De circulatione verò in fœtu ac de vasorum pulmonalium ampliacione, hoc sedulò notare subit, 1^o, cor fœtûs, in primis Gestationis temporibus, unicâ duntaxat auriculâ eâque sinistrâ, saltem manifestè, donari, sanguine per foramen ovale tunc temporis transeunte; sed in fœtu adulto, partem, & quidem notabilem, sanguinis trans pulmones è corde dextro in sinistrum devehi, licet ductus arteriosus capacissimus adsit, & foramen ovale nondùm obturatum extet. Undè liquet majorem vasorum pulmonarium diametrum, non in causas quasdam finales fictitias, sed in mensuras respectivas tum ductûs arteriosi & foraminis ova-

„coronarie del cuore, dependente dal sito di esse. Le
 „loro bocche o aperture sono verso i lembi delle val-
 „vole semilunari, & non sotto l'origine di essi verso
 „il cuore. Quella loro situazione è molto a proposito
 „per scemare la quantita e l'impeto del sangue, che
 „retrocede d'all' aorta contratta. Quella colonna dunque
 „di sangue non urta con tutta la sua forza contro le
 „valvole semilunari, perchè a proporzione che queste
 „si chiudono, una parte anche del sangue entra nelle
 „coronarie. In tal guiza vi è minor rischio che si rom-
 „pano; ed io ho provato che circa due terzi soli di
 „forza, bastano per rompere le valvole semilunare dell'
 „aorta, se prima si chiudono le coronarie..... L'espe-
 „rienza sul rompimento delle valvole semilunari nell'
 „aorta, mostra chiaramente contro il Celebre Tabor,
 „che son capace nell' animale vivente, a reggere una
 „colonna di sangue, che equivalga a molto più di 6;
 „libbre, come egli credette. „ (*Richerch. Filosof. pag.*
 113. §. 29.)

lis, tùm arteriarum pulmonalis & aortæ, utrisque invicem collatis, refundendam esse; quæ mensuræ prout evolutio auriculæ & cordis dextri progreditur, mirè variant. Sic, v. g. dùm foramen ovale eâdem mensurâ donatur ac ductus arteriosus, tunc aortæ diameter, arteriæ pulmonaris diametro æqualis esse debet; verùm cùm ductus arteriosus ovali foramine amplior observatur, tunc aortæ diameter, arteriæ pulmonari diametro minor evadit, &c. (1). 2º, Haud rarò fœtus observatos fuisse corde penitùs orbatos, qui tamen ad maturitatem seu statum perfectionis pervenere, intactâ pulmonum fabricâ. His addam, absque arteriarum actione circulationem, in quibusdam circumstantiis, peragi posse; quippè, ut observat Clar. *Spallanzani*, 1º. in nonnullis animalibus motus systoles & diastoles, nisi in truncis majoribus observatur. 2º, In quibusdam animalibus vix in lucem editis, & in quibus circulatio evidentissimè peragitur, ne minimus quidem percipi valet tùm systoles tùm dyastoles motus, idque per totum systematis arteriosi tractum; licet singulis cordis pulsationibus, sanguis ad usque fines extremos vasorum manifestè propellatur (2). Hinc solâ cordis actione, neglecto respirationis motu, circulationem absolutè confici posse innuitur; quod aliquatenus probatur hac alterâ Clariss. *Spallanzani* observatione, nempe influxum contractionis cordis ad usque venas propagari protendi, ac proindè motum sanguinis, ex qualibet systole cordis, in venis adaugeri (3). Citatò multùm ex affectione spasmodica, respirationis motu apud quosdam nevropathicos homines, neuti-

11) *Supplément à l'Encyclop. tom. 2.*

12) *De' fenomen dell. Circolaz. Risultati delle Sperienze dell. prima Dissert.*

13) *Ibidem.*

quàm exinde motum arteriarum in carpis , seu Pulsum , accelerari vel disturbari non semel observavimus.

Alterum difficultatis membrum , continuitati quam volunt fluminis sanguinis in circulatione , prospicit. Censebat *Harveius* spatium aliquod dari venam inter & arteriam, meatibus vel porositatibus refertum, ut Veteres arbitrabantur, quod jugi flumine & absque ulla morâ , saltem notabili , (non secus ac fit juxtâ *Hallerum* & *Spallanzani* in Anevrysmatibus) sanguis ex arteriis depluens aut extravasatus pertransit, mox à venulis hiantibus susceptus : Verùm obijci poterat, in hocce spatio à variis cellularum aut porositatum mæandris , vel in hacce extravasatione , flumen sanguinis aliquatenus infringendum videri. Hancce difficultatem delent *Lewenhoëckii* & *Ruischii* observata , quibus continuatio systematis arteriosi cum venoso perspicue demonstrari, ac leges hydraulicas circulationi accommodatas , inconcussas stare contendunt. Notandum tamen de hac observatione continuitatis arteriæ cum vena , Conspicillum *Spallanzani* cum microscopio *Lewenhoëckii* non omnino consentire (1). Et meherculè, transitum arteriæ in venam attentè perlustrans indefessus noster Italus , nonnullas arteriolas observavit , quæ in hujusce transitûs puncto eâ capacitatem donabantur, ut in earum cavo quatuor aut quinque globulorum fila admitterent ; alias arteriolas vasi cuidam majori osculari vidit, quod postremum vas , cum in utroque sanguis ad æqualem distantiam à corde circularet , an venosum esset an arteriosum valdè ambigebatur ; alias quæ paulò ab exitu è corde , ramulum emittebant qui versùs cor oppidò reflexus , ad illud reverteba-

(1) Vid. *De' Fenomen. dell. Circolaz. Risultati delle sperienze della prima Dissert.*

tur, sic venæ caracterem induens, dum truncus procul à corde iter progrediens, in statu arteriæ perstabat, vel in duos ramos simpliciter dividebatur quorum unus ab statu arterioso non desciscens, alter verò in venosum transeuns; Alias quæ inflexu simplici versus cor, in venam convertebantur; quod in Pullo maximè obviū est. Quin etiā nonnullas arteriolas observavit *Spallanzani*, quæ plurimæ ad unicam venam efformandam concurrebant; alias quæ in Rete quoddam intricatissimum terminabantur, quod veluti confinium venas & arterias interpositum, haud ineptè vocandum autumat; alias deniquè vidit arteriolas non paucas, in textum partium desinere, ubi planè obtutum oculorum effugiebant. Quibus omnibus colligere primum est, 1^o, nonnullas arterias modò arteriæ, modò venæ munus obire; 2^o, sanguinis partem aliquam ex arteria, ne minimo quidem peractò circuitu, vel etiam insalutatis venis, redire ad cor; 3^o, quorundam, imò & fortè plurimorum, vasorum lumina in textus mucosi cellulas hiare; ut cum veteribus censebat *Harveius*, ibique, ut ita dicam, combibi; quod phænomenis Nutritionis aut secretionum in genere, satis congruens videtur.

Porrò alia bene-multa protulit sagacissimi *Spallanzani* Conspicillum, quæ leges hydraulicas phænomenis circulationis adhibitas, infirmant penitus aut evertunt, vel quæ nonnullis etiam *Illustr. Halleri* observatis microscopis, non parùm adversantur. Sic, v. g., vulgò apud omnes Physiologos ratum est, arterias in diastole æquè ac in systole, sanguine plenas remanere, ut patet ex vulnere simplici cuilibet arteriæ inflicto; verum aortam Salamandræ, parvam admodum in systole copiam sanguinis retinere, observavit *Spallanz.*(1). Non aliter ingressum

sanguinis è vase minimo in truncum maximum influentis, nullatenus impediri, contra sententiam *Halleri* animadvertit, imò etiam sanguinem appellentem, nil de sua pristina velocitate amittere, quantuscumque sit angulus à concursu vasis minimi cum trunco efformatus (1). Tandem quàm-plurimis observationibus suffultus, adversus vulgatissimam Theoriam Hydraulicò-Mechanicam, videlicet ex vasorum figura, diametro, angulis aut divaricationibus diversis, &c., ut ex lege quâ fluida in canalibus solidis moventur, desumptam, asserere non dubitat, sanguinem in transitu ex arteria majori in minimam, etiàm invitis qui passim occurrunt angulis, inflexibus, aut retibus vasculosis intricatissimis, vel à pristina sua velocitate nil admodum deflectere, vel eam quam-citò recuperare, idque in vasis majoribus ut in minutissimis: Etenim globuli sanguinei flexiles admodum & ductiles, variis inflexibus aut refluxibus & angustis vasorum mirè accommodantur (2). Prætereà, de majori velocitate quâ sanguis venosus insignitur dum propius accedit ad cor, hanc discrimini quod basim Coni, ut aiunt, venosi, & illius apicem intercedit, non omnino tribuendam esse observat; sed Principio cuidam occulto, vasis corporis animalis insito, nec non actioni muscutorum; in cujus sententiæ probationem animadvertit, 1^o, sanguinem per vasa passim, ut ità dicam, strangulata transeuntem, celerius moveri dum ingreditur vas, moxque ab exitu pristinam velocitatem recuperare; 2^o, Dari venas nonnullas ad cor, rectò tramite, tendentes, quæ per intervalla ramis exuuntur; porrò vasa ista sic ramis denudata, cylindrica sunt, ac proindè æquali dia-

f11 *Ibidem.*

f21 *Ibidem* pag. 169 & sequent.

metro per totum illius tractum donata ; In his igitur venarum portionibus, nulla observanda esset in motu sanguinis acceleratio, si reapse ex vasorum angustiori cavo deducenda foret. Et quidem perfectissimam æqualitatem in motu sanguinis venosi, tunc temporis dari contendit oculatissimus ille Vir. Quibus omnibus facile intelligitur, Theoriam circuitus sanguinis, quatenus hydraulicis principiis adstructam, ubique hiulcam, aut saltem maximè dubiam, videri. Nec juvant ea quæ de venenis per syphonem immissis, affert Celeberr. *Hallerus*. Siquidem nemo unquam circulationi sanguinis tribuere seriò poterit, mortem illam subitanæ quæ vulnusculum levissimum, etiam in extremo digito pedis, à nonnullis Telis venenatis inflictum excipit, ut de spiculis *Madagascariensibus*, memoriæ proditur (1) Phænomenum istud ad profundam & citissimam Principii vitæ pessundationem, vel flammæ vitalis suffocationem in sanguine, potiori jure referatis. Idem forsau censendum de nonnullis liquoribus narcoticis, aliisque hujusmodi guttatim infusis. Hæc enim experimenta, iisdem allatis rationibus, minimè probatoria videntur ; & quod ad liquores ingestos in cadavera pertinet, nullus nescit rarissimos hactenus fuisse, & forte nusquam visos, plenarios istius modi Tentaminum exitus, nullumque proinde argumentum, in re adeo gravi, erui posse. His addatur, sanguinem progredientem, retrocessus, raptus varios è parte alia in alteram, velocitates diversas in diversis partibus, ad mentem *Hippocratis*, nec non motum quemdam oscillatorium, ut volebant Veteres, in vasis, imò & propè cor (2), experiri posse,

11) *Recherch. Philosophiques sur les Americ.* & Bernier.

12) Vid. *Triduan. nostr. Quest. 3.* ubi nonnulla circa

vel reapse, sub datis plurimis circumstantiis, experiri; Tandem inter arterias aliquas & venas, dari verosimiliter anastomosim seu immediatam communicationem, ut præter observata nonnulla, *Spallanzaniana* præsertim, phænomena ruptionis arteriæ innuunt; nam totius corporis sanguis, venis etiã exhaustis, per ipsam funditur, non secus ac in experimento vulæris, arteriæ cuidam, etsi mediocri, inflicti, quale jam à *Galeno* tentatum fuerat (1).

Jam verò, his omnibus hætenus recensitis, ut & aliis quæ in *Quæstione tertia Triduan.* cumulatè leguntur, satis, ni fallor, in promptu est, quod sicuti stultum foret Circulationem sanguinis negare, ita quidẽ imprudens aut ridiculum illam admittere, qualem ex *Harveio* ejusque sequacibus edocent plerique Physiologi. Quis enim in tanta sententiarum varietate, quanta nullus usquẽ adhuc concentus inter Circulatores ipsosmet stabiliri poterit, in tanta experimentorum discordia quæ adeo absona visa est ipsosmet *Hallero*, ut ei *continuo se vehemens suspicio offerat, parum omnino in his experimentis firmi esse, quæ adeo è directo secum pugnent* (2), quæro, quotusquisque est æquus rerum æstimator, qui circulationi sanguinis *Harveianæ*, tanquã phænomeno certo ac demonstrato fidem adhibeat? Datur certè motus progressivus sanguinis è thalamo sinistro propulsi per arterias, hujusque reditus per utramque venam cavam ad cor; quædam etiam sanguinis portio è corde dextro ad pulmones manifestè traducitur, in cor si-

retrocessum sanguinis in vasis cordis, ex Celeberr. *Fontana* & *Spallanzani*, retulimus.

(1) *De Usu Puls.* cap. 5.

(2) *Element. Physiol.* lib. 5.

nistrum exindè depluens &c. ; ast Cætera omnia vel plùs aut minùs dubia , vel densâ caligine obvoluta latere , fateamur necesse est , solâque observatione in corpore vivo tùm sano tùm ægrotante , rectè æstimare posse , Veterum exemplo monstrante viam.

Sic igitur prò modulo , Quæstionem absolvebamus *de Certis & Dubiis in systemate Harveïano , de Circulatione sanguinis.*



PRÆLECTIO SECUNDA.

De Veterum Doctrina circà sanguificationem.

SANGUIFICATIO, Græcis *Aimatosis*, est ea corporis functio quâ ex ventriculo & intestinis secretus à reliquo cibo succus, id est chylus confectus jam coactusque, in sanguinem convertitur. *Hippocrates* conversionem illam in corde fieri existimabat; ast qui secuti sunt Græci Veteres in hepate reposuere. *Ex intestinis autem & alvo secretus à reliquo cibo succus is quo alimur*, ait *Tullius*, *permanat ad jecur per quasdam à medio intestino usquè ad Portas jecoris ab eo cibo cum est secreta bilis iique humores qui ex renibus profunduntur; reliqua se in sanguinem vertunt ad easdemque Portas jecoris confluunt, ad quas omnes ejus viæ pertinent* (1). Hæc est vulgatissima Veterum opinio de sanguificatione, quam *Galenus* ea quâ pollebat facundia miraque in effingendis Theoriis solertia exornavit, hepatis venas mesaraicas in *Aimatosis* opere alligans, & succum melancholicum in jecore genitum ad lienem demandans, quò sanguis eo humore atque materiæ urinosæ defæcatus purior evadat; ut mox singulatim explanabitur.

Interim, sanguificationis finis, est corporis sustentatio vel Nutritio; undè cum Digestione propriè dicta quàm-arctè connectitur, & inter functiones *Naturales* præcipuas recensebatur. Siquidem Di-

gestionem ventriculi tanquam sanguificationis famulam habebant, & ut primam coctionem in ventriculo, ita secundam coctionem in hepate fieri arbitrabantur; quæ iterum secunda coctio, tertiæ coctioni omnium perfectissimæ & postremæ, quatenus assimilatrici, maximè conferre volebant.

Jam verò, ut clariùs elucescat Doctrina Veterum circa sanguificationem; quædam præmittere juvat de illorum sententia circa hujusce functionis, aliarumque in corpore vivo Principium seu causam, ut vocant, efficientem. Principium igitur istud, est vis seu *facultas* quædam omnibus minutim partibus, à primo formationis instanti, radicatus inhærescens indita, quam variorum phænomenorum in corpore vivo Præsidem voluerunt Antiqui; sic tamen ut in omnes corporis particulas tanquam œconomicè distribuatur, nempè majori vel minori copiâ, dosi, juxta varias functiones quibus dicantur particulae, earum organisationem aliasque circumstantias.

Hæc vis, seu facultas, voce antiquâ *sensûs* apud Veteres indigitatur, quæ *sensibilitas* aut *Vitalitas* apud Recentiores audit. Hôc *sensu*, hoc Principiô *animantur animalium omnes partes* juxta ipsummet Hippocratem. *Sensus*, ait Lucretius, *jungitur omnis, visceribus, nervis, venis quæcumque videmus, mollia mortali consistere corpore creta* (1).

Porro, prædicta hujus Principiî œconomica partitio actioque, varia quæcumque corporis animalis phænomena, eaque illius conservationi directè appositæ, spontè prodit, videlicet ex legibus vel Naturæ vel œconomix animali impositis, quarum executio observatio sic dicto Principio vitali vel hu-

jussu instinctui committitur (1). Verùm hæc ulterius illustrentur.

1^o. Igitur cuilibet corporis particulæ sic *sensus* impertitur, ut quælibet particula vita sua propriâ vel privata polleat, *propriâ* vivat *quadrâ*, ut ait *Helmontius*; quæ vita peculiaris, consensu mutuô affectuum inter particulas indefinenter fovetur, &, ut ita dicam, *actuatur*, dùm scilicet alia in aliam agit, alia alteri invicem famulans, notante ipsomet Divô Sene, adeò ut ex illa particularum actione reciproca, id est ex peculiarium confluxu seu collectione vitarum, exurgat vita generalis seu vita propriè dicta (2).

2^o. *Sensû* sic organis impertitô, *Entelechia* seu vis ex se movens, vel etiam instinctus seu sagacitas quædam animalis aut brutalis, (venia sit verbo) cuilibet particulæ accedit, quæ varia nomina apud Veteres tum Medicos tum Philosophos sortita est, qualia sunt *Enormon* seu impetum faciens *Hippocratis*, *Orme* seu appetitio Veteris Academiæ, *Orme to aphrodision*, seu Incitatio libidinis, *Aristotelis*, &c. Undè quodcumque viscus, quæcumque pars corporis paulò præstans, non secus ac, penè dicam, animal integrum, gustu vel appetitu quodam privato donari videtur, quò convenientem sibi succum attrahit seligitque, acceptum fovet; alterat & in rem suam vertit, vel sibi assimilare contendit; dùm è contra noxia adversatur, effugit, vel inutilia expellit, aut etiam non semel ad aliud organum, tanquàm ad sentinam amandat. *Habet enim*, ait Galenus, *Particula quæque nativum robur, quò quod supervacuum est prosequitur.*

11] Vid. Dissert. de Princip. vit. & de Nova Doctrina.

12] Vid. Dissert. nostr. de Fibr. natur. vir. & morb., & in Encyclopedia ad verbum *sensibilité*.

Sic in omni officina in qua elaboratur materia aliqua, reperiuntur receptacula excrementorum, ut putà in hepate. Hæ porrò variæ actiones, vi prædicta particulis inditâ constabilitæ innixæ, ac in organis Nutritioni dicatis potissimum spectandæ, totidem facultatum nominibus insignitæ fuere apud Veteres; undè facultas Attractrix, Retentrix, Concoctrix cui proximè adhæret Altrix, & Expultrix, à Galeno præprimis prædicatæ, qui nonnullis experimentis compertas illas, saltem in ventriculo, habuit, quique exin Peristolen nuncupavit facultatem illam quâ ventriculus, clausô pyloro, ingesta retinet, id est facultatem Retentricem.

3^o. Quædam alia proprietas aut facultas, ex sensu particulis inest, quæ tanquàm earum indolem peculiarem, mores privatos, præter mores generales omnibus particulis communes, constituit, indicat; undè humores plurimis saltem organis addicti, veluti sigillo, caractere propriô, imò etiam odore aut colore propriô signantur, vel contagio quodam organi specificantur, aliorum organorum privatis moribus exindè minùs congruentes. Sic odore urinoso signantur Renes partesque vicinæ; Sic etiam aurâ quadam biliosa, nec-nôn colore flavo, Cystis fellea eique adjacentes intestinorum portiones inficiuntur &c. Atqui postrema ista facultas, tanquàm signatoria aut infectoria, ab aliis sedulò distinguenda venit. Non mirum igitur quod nonnulli vel Medici vel Philosophi, particulas illas corporis in quibus recensitæ hætenùs proprietates valdè spectabiles occurrunt, tanquàm Animalia in alio animali contenta habuerint, sermone metaphoricô utentes, quò res conceptu faciliores, explicatu verò difficiles, quodammodò exprimerent. Sic *Hepar*, inquit Plato, *pecus quoddam agreste est, in quo habitat*

animâ irrationalis , ut scilicet hæc Bellua tanquàm ad præsepe aliquod alligata , nullo modo perturbare posset mentem , neque à suis operibus avocare (1). Etenim viscus istud sensû illo remissiori , vel eâ facultate infima tantùm donatur , quæ nonnullis Zoophitis vel etiam stirpibus concedi videtur , nimirum quæ cibus duntaxat appetendis , alliciendis , seligendisque , ac suæ ipsæmet substantiæ assimilandis sufficit ; quod in genere organis quibuscumque Digestionis , tribuebant Antiqui.

4°. *Sensus* , ex iis quæ de illius distributione æconomica notavimus , ita dispertitur ut partes aliæ aliis longè majori sensu vel activitate polleant , aut aliæ aliis maximè præstent , nimirum respectivè , ut vidimus , (superius) ad illarum partium organisationem , situm , functiones eis commissas , consuetudinis vim &c. Talia sunt haud dubiè *Encephalon* cum medulla oblungata , seu Caput in quo *sensus* proximò animæ immortalis influxu apud hominem , amplius exornatur ; Cor seu Regio Præcordialis ; Ventriculus seu Regio Epigastrica ; quæ singula , totidem , ut ita dicam , sensûs aut vitalitatis centra præcipua , vel præstantissimos focos in omne corpus prædominantes , constituere videntur. Non aliundè profectò exurgit excogitata à Veteribus , generalis functionum Divisio in *Animales* , *Vitales* & *Naturales* , quarum cuncta organa suprâ se agunt invicem , & sibi mutuo vires nunc suffurantur , nunc in suppetias dant ; quibus positus ordo statuitur functionum , quæ juxtâ ipsum Hippocratem abeunt in circulum (2).

Hæc sunt , PHILIATRI CARISSIMI , generalliora Dogmata , vel Canones Physiologici generales ,

1) Vid. apud Galenum.

2) Vid. Dissert. nostr. de Fibr. natur. virib. & morb.

quibus Veteres functionum essentiam , aut phænomena interpretabantur. His prælibatis , quæcumque circa sanguificationem protulere Veteres , haud difficilè nobis intelligenda veniunt.

Porro igitur Cibi, ventriculi potissimum actione, vel privatis facultatibus alterati , à venis ventriculi aliarumque partium ventris attrahuntur, sicque ad Portas jecoris vel ad jecur permanant; quo circa animadvertere subit , quod harumce venarum radicationem seu fontem in hepate, non secus ac Principium arteriarum in corde, reponebant Antiqui, nonnullis rationum momentis adducti, quæ plura legi possunt apud *Galenum* : Hinc igitur, ut in arboribus caudex & radices habent principium alimenti, & disseminantur in terra ut alliciant alimentum quod collectum in capillatione subministraretur omnibus partibus, eadem apparent in venis & in hepate. Illæ enim venæ, præ cæteris Mesaraicæ, circa ventriculum, ac per totum intestinorum tractum disseminatæ, quantum chyli coctum est & à reliquo cibo secretum, id omne hauriunt & exorbent, & à capillamentis ad majores venas, ad usque jecur, tanquam ad radicem, adspontant; *Venæ enim quæ per ventrem & intestina feruntur, in quibus cibi & pectus coæcervantur, ubi hi incaluerint, id quod est tenuissimum & humidissimum attrahunt (1).*

Verum, cum omnes venæ substantiæ jecoris participant, & Generatio sanguinis fiat in ipsamet hepatis carne vel substantia, sequitur venas virtutis sanguificæ jecori potissimum addictæ, non nihil adhuc participes esse. Sic igitur *sanguificatio* jam in venis ipsismet Mesaraicis incipit, quasi præparatione

ratione quâdam ad perfectionem quam in hepate adipiscitur. Caro namque hepatis, ait Galenus, quæ est proprium ipsius corpus (*Parenchyma* vocant) primum sanguinis gignendi est organum; Quapropter & venis quæ ad ventriculum & universa intestina pertinent, inest facultas quædam sanguinis effectrix, quâ succum qui ex cibis distribuitur venis, in sanguinem mutare naturale est, priusquam is ad hepar perveniat. In quo, ut videtis, non solum ex intestinis sed etiam ex ventriculo, venæ succum exhauriunt; Quippè jecur meserei venis, veluti manibus quæ ex ventriculo ei cibos afferant, utitur (1). His addatur facultas *Signatoria*, seu Contagium jecoris, quod sanguini conficiendo non parum conferre videtur. Sic *Helmontius* egregiam istam, de contagio organico, sententiam sibi vindicans aut in rem suam vertens, spiracula illius contagii jecorarii ad usquè venas mesaraïcas & venam cavam irradiari contendit (2).

Porro venas quas ad *Portas* Natura in unam conjunxerat, mox rursùm in jecoris corpus disjicit ac dispergitur, quæ cum tenues & angustæ sint, non facile & celeriter potest succus allatus per has pervadere; quo circa is in jecore diu inultumque cunctatur, & in transitu hæret, estque tarda hujusmodi transvectio, loco retentionis & moræ quæ absolutæ concoctioni necessario debetur; undè jecur suæ substantiæ insitâ facultate sanguificat, & unâ simul se ipsum enutrit. Deindè poris bilem flavam, & renibus urinam attrahentibus, tum etiam fœcibus ad *Lien* tanquam demandatis, purgatus sanguis opportunè sitâ venâ cavâ excipitur, & per venas quæ sunt in gibbis jecoris sursum fertur; adeò tamen ut tum jecoris

1) Galen. de Loc. affect. cap. ultim.

2) Vid. *Sextupl. Digest.* & in *Triduanis Quæst. quintam.*

vi expellatur, tùm attrahatur à propinquis venæ partibus, quæ deindè in alias proximè sequentes extrudunt; ad huncque modum commoda fit sanguinis in omnes corporis partes distributio, seu, ut vocant, *Circulatio* quæ exindè maximum cum *sanguificatione*, consortium alit. Hùc non parùm momenti afferunt propriæ singularum partium vires, quæ naturali appetitu incitatae, id est ex præterlabente sanguine prolestant (1); Etenim *Corpus à cujusvis generis ingestis, sibi quod confert assumit, & una quæque corporis pars de singulis cibis* (2). Undè tùm à venis tùm ab organis, vel ad poros aut meatus attrahitur sanguis, ubi sive morâ, sive culturâ aut facultate partis cujusslibet adhibitâ, non secus ac in hepate perfectior fit sanguificatio, & assimilatio datur seu *Nutritio*, quæ concoctio postrema omnium ac perfectior.

Hæc sunt, PHILIATRIS AMANTISS., veluti summa capita Doctrinæ veterum circa *sanguificationem*. In his haud dubiè animadvertistis, GALENISTAS ultramodum jecur, in *Àimatosis* opere, prædicasse; sed excusandi fortè veniunt, ex iis quæ circa jecoris in œconomiam animale præstantissimum influxum quotidie observabant, vulgo etiam apud Veteres notum, & à Poëtis antiquissimis magnifice celebratum (vid. in *Triduan. Quæst. quintam*). Nunc, verò quædam tantum attingere juvat, circa Recentionum de hoc eodem argumento Doctrinam, in suis præcipuis capitibus pariter explanatam; instituto enim proposito adhærentes, eorum *libertate licet uti, quorum oratio nihil ipsa judicat, sed habetur in omnes partes ut ab aliis possit ipsa per sese judicari* (3).

11] Vid. apud Fernel.

12] Hippocr. de *Victûs rat. sect. IV.*

13] Tull. Cicer.

Pulmo, juxta Recentiores medicos, præcæteris *Boerhawianos*, est vera, legitima *sanguificationis* officina. Facem præeunte anatome, è suo dominio in *Aimatofin* disiectum est hepar. Venæ lacteæ ab *Asellio*, ut dicunt, detectæ vel saltem demonstratæ, chylum à capillamentis ad venas majores, salutatis glandulis mesentericis, ad usque Ductum Thoracicum vel Receptaculum *Pecquetianum*, adspontant, qui chylus exinde in subclaviam delabitur. Hinc amplius hepatis munus non sanguificandi, sed bilem secernendi aut etiâ generandi, tantum concessum est.

Sic repositâ in pulmonibus novâ *Sanguificationis* sede, generatio sanguinis inibi obtinetur conficitur, dum sanguis valde adhuc chylosus, ac in auricula & corde dextro accuratius mixtus, subactus, tum motu alterno vesicularum pulmonarium & totius ipsiusmet visceris molis, tum adjuvantibus pulmonum fabricâ, & elatere aëris introducti per calorem assidue aucto, unâ cum aliis humoribus qui per pulmones fluunt, *inæqualiter premitur, pellitur, conquassatur, remittitur, atteritur, minuitur, resolvitur, & canalibus trajiciendis adaptatur* (1), vel etiâ dum *solutus, subactus, attenuatus, in canalibus conicis & cylindricis Arteriæ pulmonalis valide pressus à postico, repressus à lateribus, figuratur in formam solidarum & fluidarum in toto corpore partium*, mox in cordis sinistrum thalamum advectus per venas pulmonales majores, vix secretiones permanentes passus (2).

Hic, ut videtis, PHILIATR. AMANTISS., vel idioma, vel ideæ ubique perhibentur, quæ quidem Veterum sermone & ideis non parum disparia.

11] Boerhawius. *Inst. Med.*

12] *Ibidem*.

Hypothesim istam de *sanguificatione* in hepate ; finxit *Glissonius* , sed magis sanè finxisse videtur *Boerhavius* , hujusce hypothesis subtilissimus ex-cultor ; quod simplici ratiociniò Physiologi Re-centissimi bene-multi demonstrari volunt. Et pri-mum , an pulmo sit aut esse possit *sanguificationis* instrumentum ? Id , vel mobilitatem visceris aut hujus irrequietam actionem , vel alia etiam argu-menta gravissima renuere contendunt isti. Quæli-bet enim cōctio vel secretio tranquillè placidè pe-ragi debet , ut patet ex situ plerorumque secre-toriorum. Jàm illud de corde imò & de pulmone *Galenus* observaverat , sanguificationis officinam in hepate adversùs *Aristotelicos* propugnans. Addit insuper , sanguinem venæ portarum , in hunc fi-nem lentè moveri , qui motus tardus à sagacissimo *Spallanzani* non prætervisus est , ut in *Prælect. pri-ma* animadvertēbamus. Prætereà Corda reperta fuere unicò thalamo instructa ; alia , & quidē adul-torum , in quibus foramen ovale apertum adhūc conspiciebatur. Atqui in hisce casibus par-vula duntaxat sanguinis portio pulmones permeare poterat ; quod , ut illud notetur per transfennam , circulationi sanguinis *Harveianæ* non parū adver-satur. Sic etiā dūm altero latere decumbimus , nil pensi habere videtur obversus pulmo , (Vid. in *Triduan. Quæst. tertiam*). Sic in plurimis doloribus pungitivis , in vulneribus , vomitis aut abscessibus pulmonum , variisque aliis circumstantiis , vel ægrè movetur pulmo , vel partim duntaxat movetur , quin sanguinis color ullatenus vitietur. Quod si hujusce visceris fabrica tantillū attendatur , Pneu-maticum organum omninò videtur illud , nimi-rum ventilationi sanguinis , potius quàm alteri cui-cumque muneri addictum , ut ex colore rutilanti & spumosa indole sanguinis in cor finistrum de-lati , censebant Veteres. Quo circà tamen animad-

vertere expedit, sanguinem venosum, saltem in genere, nil admodum ab arterioso, sive colore, sive consistentia discrepare, ut *Hallerus* & *Spallanzani* (1) notavere; causam hujus phaenomeni legitimam affert laudatus *Italus*, observans, nempe in hoc experimento, sanguinem è vena & arteria æqualis diametri extrahendum esse; namque ampliori venæ diametro, sanguis colore rubro saturatiori donari videtur; quod idem contingit ex arteria, quoties illius diameter venæ diametro capaxior est; undè intelligere est quomodò æstimandum sit Celeberr. Angli *Hewson* Experimentum, quò sanguis ventriculi dextri à sanguine cordis sinistri discrepare, nempe sectò quam-citissimè pectore canis vivi, & apertâ auricula cordis sinistrâ, ei visus est (2). An aer in sanguine, trans vesiculas pulmonares, ut in aquis sic dictis *spirituosis* vel *aëreis*, solvitur immittitur? An etiam, ut nuperimè contendit Celeberr. *Priestley*, pessundatum aërem & quasi putridum, nec-nōn particulis igneis elementariis, per varias humorum digestiones, extricatis foetum (*Fuligines* à Veteribus) expellat in expiratione Pulmo (3)?

2^o. Quomodò, pergunt Impugnatores, fingi posset sanguificatio ex attritu, conquassatione, pressione veluti torcularia aliisque actionibus mechanicis, in viscere omnium mollissimo, Laxissimo, verbò, spongiformi, ut vocat *Hippocrates*? In *Mixta* tantum agere valent vires istæ mechanicæ; quo pacto igitur exindè, ut & pressionibus inæqualibus, exurgent globuli rubri tum formâ tum mole æqualis? Observavit *Spallanzani* globu-

1) *Element. Physiol. & De' fenom. della Circolaz.*

2) *Experiment. inquir.*

3) *Vid. Dissert. de Corpore Crib. Hippocratis, &c.*

los quoscumque sanguineos rubros existere & æquales, saltem in animalibus sic dictis calidis, in fœtu æquè ac in adulto; nullamque vim aut pressionem à parietibus vasorum, etiàm minutissimorum experiri, nilque alios ab aliis invicem comprimi, urgeri, sed moveri immediatè ab impulsu lymphæ cujusdam, vasorum cavum ad latera obducentis, & ad motum vi cordis actæ (1). Addendum quod globulos distinctè rubros, solitarios, in exilissimis vasis areæ umbilicalis Pulli etiàm observaverit, priusquàm ullus color ruber in ovo appareat; qui rubor ex majori coadunatione globulorum, videlicèt progrediente formatione, ac proindè adauctis animalis viribus, intensior emergit, estque primævus sanguinis Color; in quo diligentissimus noster Italus *Malpighium* emendat qui moleculas humorum in pullo, sensim aut gradatim colorem rubrum induere, à colore subluteo ad xerampelinum & coccineum usquè progrediundo, scripsit (2), ac pari passu Illustriss. *Hallerum* quem illusione quadam opticâ, nempè luce quâ usus est refractâ, deceptum fuisse commonstrat. In confessio deniquè est hodiè apud omnes observatores, sanguinem extrà pullum efformari &c.; atqui certissimè in tenuissimis ac tenerrimis vasis areæ umbilicalis, nulla datur pressio, nullus attritus, nulla conquassatio, nulla attenuatio molecularum humoris sanguificandi. An datur pars colorans sanguinis? An pars illa cujus fontem in bile vult Doctissim. *Durade* (3), aliquatenus ex evolutione seu extricatione quadam Principii hujusce in humoribus se-

(1) Loco citato.

(2) De Ovo incubato.

(3) *Traité Physiol. & Chym. sur la Nutrition*, 1767.

rosis lymphaticis præexistentis , nec-non ex subsequenti aggregatione molecularum , nimirum à calore incubationis , (accedente præ cæteris influxu quodam auræ vitalis) , ut in Coctionibus seu digestionibus animalibus quæ non-nil fermentationis opus æmulari videntur ? Dùm serum sanguinis purum , diaphanum , nonnullis acidi nitrosi guttis affusis , igni admovebam , mox zonam quamdam linearem , coccineam purpuream-ve , in limbis superficiei liquoris coagulati rutilare vidi.

Verùm relictis hisce observationibus vitreis , ac hypothesibus circa causas ruboris in sanguine , quæ tanquam Physiologiæ Crepundia haberi queunt , Propositum urgeamus.

3°. Contendunt *Boerhawiani* vel *Mechanici Medici* , alimentum omne per Ductum Thoracicum , mediante vena subclaviaria &c. , in pulmones derivari ; Ast præterquam quod portio quædam chyli , omisso ductu Thoracico , in sanguinem traducitur , (Vid. in *Triduan. Quæst. decimam*) constat tum *Bilsii* , tum aliorum quos memorat *Hallerus* , experimentis , partem chyli , imò & crassiorem , à venis mesaraïcis exugisse , ut nonnullis jecoris affectibus comprobari videtur. Non aliter luxuriante chylo crasso , pinguescit , vel *tumet magno jecur ansere majus* , ut ait *Martial.* , &c.

4°. Volunt etiàm , plerique saltem , *Mechanici Medici* , bilis generationem jecori prorsus tribuendam esse ; verùm assertum istud , tanquam Theoria merè arbitraria , versatilisque admodum , à nonnullis Recentissimis impugnatur (Vid. in *Trid. Quæst. quintam*).

En habetis , PHILIATRI CARISS. , veluti Tabulam utriusque de *Sanguificatione* Doctrinæ leviter adumbratam , sic tamen ut exindè facile dignoscatis , quænàm sit Veterum de hoc eodem argu-

mento sententia, nec non quam plures esse hodie Physiologos, qui nec Galeno nec Glissonio vel Boerrhawio assentiuntur, sed cum nonnullis veteribus Aimatofim in omnibus corporis particulis fieri arbitrantur. Addam pro coronide, Celeberr. Piquerum Veterum fautorem insignem, eorum ferè de Sanguificatione sententiam in medium revocare velle; nempe chylum converti in sanguinem, in venis partium cavitatis naturalis, præsertim hepatis & lienis nuperrimè asserit Autor. Assertum illud ex constitutione hepatis, lienis, aliarumque partium propositarum earumque omnium innere comprobare nititur. Etenim, ait ille cum Veteribus, venæ omnes mesenterii & intestinorum recipiunt chylum, vimque habent ipsi tribuendi prima rudimenta sanguinis; negari enim nequit venis quod cæteris partibus corporis conceditur. Quemadmodum ergo ventriculus liquore constat, quo alimenta in ejus naturam immutat, & reliquæ corporis partes humorem habent congenitum, quo vires exercent convertendi in propriam naturam quod sibi congruit; cur non etiam venis & sanguini in ipsis contento, concedi debet vis chylum immutandi, & in indolem sanguinem convertendi (1)? In quo quidem, ut videtis, non multum dissentit Piquerus ab iis qui Sanguificationis opus, omnibus corporis partibus pertinere existimant.

(1) Instit. Med. Tract. 3 de Humor. Propos. XVII.



PRÆLECTIO TERTIA.

De Vulneribus Complicatis.

EXPLETIS, eâ qua potui Diligentia, Physiologicis Concertationibus, nunc, juxta Prælectionum ordinem propositum, de *Pathologia* dicendum mihi incumbit; tractando, nempe triplici disputatione, de *Vulneribus Complicatis*. In hisce autem peragrandis, PHILIATRI AMANTISS., quemadmodum in *Physiologia* functiones œconomiae animalis, nullomodo ex Legibus mechanicis hydraulicis-ve æstimari posse vidimus, sed Principio cuidam, effectibus duntaxat dignoscendo, esse tribuendas, sic in *Pathologia*, affectus seu morbos, sub ejusdem Principii regimine omnino subjici, in promptu erit; tantum hocce vinculo legitimo cohererent inter se, quaecumque corporis vivum in statu sano tum in morbofo observanda phaenomena, ac sub eodem conspectu quaelibet Doctrinae Medicæ partes traditæ pollent!

Vulnus in genere dicitur *Continui solutio* recens, cruenta, inducta ad extrinsecus parti cuidam molli corporis animalis, à causa mechanica, videlicet à corpore duro vel acuto, id est pungente vel secante vel contundente, nec-non moto, presso, aut resistente &c. Pars quaelibet in corpore, nexu continuo partibus aliis conjungitur, aliis accrescit, alia cum altera conglutinetur; hinc ideò quoties ab una aut altera ex causis mechanicis recensitis, continuïtas conglutinatio illa dirimitur, datur tunc temporis *Vulnus*.

Diximus illud in parte molli fieri, sub quo titulo Integumenta universa corporis, vasa quælibet

bet, muscoli, membranæ variæ, Nervi, cætera-
que comprehenduntur: quocircà animadverten-
dum est, Illustriss. *Swietenium* minùs benè accu-
ratè, ut nobis videtur, ex Præceptore *Boerhawio*
scripsisse, partes molles corporis humani esse
meram texturam vasorum: etenim, anatome
edocti sumus, vasa, nervos, membranas, ut &
alias quascumque corporis partes, textu mucosò
vel cellulari plasmati confici, & hocce textu ite-
rùm obvolvi & concatenari invicèm, adeò ut
nonnullæ sint textûs illius portiones, quæ vasis imò
& nervis omninò carere videntur, cùm indè
acus ipsæmet infixæ, nec dolorem ullum, nec
minimam sanguinis guttulam excitare haud rarò
valeant; quæ quidem animadversio maximi mo-
menti est in curatione vulnerum, ut patebit in-
feriùs, sic ut in eorum historia, vel partium mol-
lium recensione, textus ille cellularis peculiariter
assiduòque memorandus veniat.

Intereà tamen, non nulli sunt qui ossa & cartila-
gines, ut potè quæ subjecta vulnerum, inter par-
tes molles reponenda esse contendunt; alii qui vo-
ces *recens* & *cruentam*, è tradita vulgatissima defi-
nitione expungi volunt &c. Verùm missis hisce
omnibus, ut & variis quæ circà formam, direc-
tionem, cæteraque vulnerum, passim apud Au-
tores leguntur, ad alia magis momentosa nos con-
vertamus; Nimirùm, inquiremus quænam sint
phænomena vel accidentia *vulneris*, ut aiunt,
simplicis, & quænam ejus Therapeia idonea. Cùm
enim omnis ordinata Doctrina, à facilioribus in-
tellectu ad difficiliora pergat, ideò haud incongruè
Vulnerum Complicatorum historiæ, præmitten-
dum nobis videtur, *Vulneris simplicis* Argumen-
tum.

Porro, PHILIATRI CARISS., hìc per *Vulnus*
simplex non intelligi volumus, levem illam ac su-

perficiariam entis vel carnis subjacentis, sectionem aut conscissuram quæ vix cruorem emittit, spontanea facillique Coâlitioe brevissimè sananda; sed vulnus sat profundum, notabilem sanguinis copiam effundens, quod sano, vegeto, vel sufficienter robusto corpori, contingit, atquè in loco vel carneo, vel parùm tendinoso, nullo vase arterioso majori læsô, intactô pariter nervo quocumque præcipuo, inflictum est, aliundè sensibus patef-cens, & arte naturam modestè, ut decet, adjuvante, convenienti temporis spatiô, ad cicatrificationem perfectam firmamque adductum.

Jàm verò, tali vulnere recens inflicto, sanguis exindè manans citiùs aut tardiùs in crustam vel coagulum *Trumbum* dictum abit, quô Vulneris cavum infarcitur, ac pari passu sistitur remittitur-ve fluxus cruentus. *Trumbus* autem iste constat potissimùm mucosâ seu lymphatica sanguinis portione, cruore scilicet imbutâ, quæ tùm morâ vel quiete, tùm calore alieno vel immodico partis solidescit, fatiscente itidem serô; ita ut, accedente coagulô, non effluat sanguis ferè, sed tenuis levi rubedine tinctus liquor. Huic postremo phænomeno, non parùm conducunt, juxtâ *Boerhavianos*, constricta sensim vasorum discissorum orificia, vel potiùs, meô judicio, lamellarum textûs mucosi inversio hujusque rigiditas; undè succorum prava digestio, stasis in meatibus, quâ inducitur orificiis vasculosis compressio seu angustia quædam, levisque vel muci vel sanguinis serosi inibi contenti extillatio, è quolibet puncto superficiei vulneris. Tonô partis everso, & calore alienô, vel sanguis alienus, vel serum sanguinis prodit, ut aiebant Veteres. Et-quidèm, notum est coctiones in humoribus variari, prout variat existendi modus in sensibilitate vitali partium. Compertum etiam habemus, quoscumque textûs mu-

cosi meatus, id est carniū porositates, succis nutritiis vel mucosis, aqueis aliisque irrigari perpetuòque madescere. Id evidentissimè patet in fonticulo; ibi enim, peractâ potissimū Digestione in ventriculo, serum nutritium trans poros carniū exsudare, oculis etiam nudis haud rarò videbitis.

Crustâ sic efformatâ, & textû mucoso succis inhærescentibus ac pravè digestis refertô rigidoque, nec-non præ cæteris sensu ab hisce amplius molestâtô, nimirum in abscissis vel disruptis fibrillis nerveis, tunc datur velut aculeum infixum *Hippocratis*, aut spina *Helmontii* in parte, exindè nervulis irritatis tanquàm radiata; quæ omnia sensûs aut Principii vitalis, restitutionem partis indefessè ex suo instinctu molientis, conatus promovenet, adaugent, ità ut, datô vulnere notabili, febricula quædam adoriatur, quæ è vulnere tanquàm per irradiationem, in omne corpus irrepit, gliscit, diffunditur.

Interim, mediante prædicta dispositione partis, videlicet sensu inibi proritatô, ad vulnus ut ad centrum quoddam, vires & humores appellant tanquàm convergentes; contenduntur, rigescunt & velut *Orgasmo* tument Vulneris Labia ut & vicinia; dolor adest, rubor ac pulsatio plus minus-ve sensibilis; calor adaugetur &c., quibus omnibus *Inflammatiô* stabilitur. Ex altera parte textus mucosus veluti rarefactus, calore scilicet & tonô partis adaucto, favet quam plurimū appulsui virium & humorum; *Carnes enim rarefactæ transitus præbent*, ait *Hippocrates* (1). Hinc *Caro sublimis fit* (2), labia Vulneris retorquentur, &

11 De Loc. in Homine.

12 Ibidem.

humoribus uuà simul affluentibus , datur illa tume-
factio adeò exoptanda juxtà istud Divi Senis Effa-
tum , *gravibus Vulneribus inflcctis si tumores non
appareant , ingens malum* (1) ; qui quidem tumores
ad vim adauctam aut sensum irritatum in parte re-
ferendi veniunt ; cessante enim vitalitatis influxu
aut morte adveniente , fatiscunt vel penitus colla-
buntur quicumque tumores inflammatorii.

Porro ex hoc partis *Orgasmo* , vel hâc sensûs ,
caloris & humiditatis adauctione in vulnere , nota-
biliores quandoquè insurgit febris cum siti & jacta-
tionibus conjuncta ; pulsus adest durus , tensus ,
vehemens , mox altus , magnus , ac paululum
explicatus cum mollitie quadam observandus.
Humores apulsi elaborantur , digeruntur , co-
quantur in parte , fitque *Suppuratio* seu Puris ge-
neratio , quam proximè excipit violenti cujuslibet
symptomatis remissio vel disparitio ; quæ quidem
omnia circa tertium aut quartum diem , ocius
serius-ve ordinariò contingunt. Pus autem istud
nihil aliud est essentialiter , quàm pars mucosa
seu Lymphatica humorum , huc trans mæandros
aut meatus textûs cellularis , veluti per fluxionem
quamdam criticam , delata , & inibi calore &
tonô peculiari partis adauctô , tanquàm in Nu-
tritionis aut Assimilationis finem elaborata , di-
gesta , liquata , cocta. Notandum prætereà , quam-
plures lamellas vel textûs mucosi propriè dicti ,
vel tunicarum vasorum , vel solidorum aliorum ,
amplius in hac coctione liquefcere ; undè consis-
tentia humoris adaugetur , daturque Pus *laudabilis
consistentiæ* dictum. Addendum etiàm , quod in
Pure , præter succos nutritios aut mucosos trans
meatus textûs cellularis affatim adductos , non

rarò aliquid *Pyodes* ex sanguine extrà vasa effuso admisceatur, ut notat *Ballonius*. *Pus ex Carnibus & Purulentum ex sanguine* fieri, jam monuerat *Hippocrates*. Et meherculè, *Pus* aliquod ex sanguine elici potest, nil ferè, quoad qualitates externas, à *Pure Carnium* in *Vulneribus* discrepans, ut observatur apud eos qui *suppurati sine febre* appellantur. Sanguine *Juvenis fani* recèns extractò, in variarum stirpium venenosarum decoctis saturatissimis, vel earum *Extractis* dilutis, per *Nyctimerum* infusò, (calore conclavis ad decimum vel undecimum gradum *Thermometri Reaumuriani* extractò), prodiit ubiquè in fundo vasis, materies plus minus-ve purulenta, ac colore vegetantium dispariliter imbuta; ità ut in liquore *Ranunculi scelerati*, (id est illius *Extracti* decenter diluti) parùm à colore puris albedo differret Color prædicti purulenti *Magmatis* (1). Quod quidè in tutamen *Sententiæ Ballonii*, circà *Pyodem* ex sanguine extrà vasa effuso, aliquatenus afferri valet.

Atqui *Pus* istud fovens, humectans & demulcens partem, quæ jam accedente *Codione* inceperat, contrictionis aut rigiditatis in textu mucoso solutionem absolvit. Exindè *Pus*, vi partis expurgatoriæ, magis aut minus abundans effluit. Tandèm minutâ *Puris* copiâ, & luxuriante, per motum quemdam attractorium in parte, mucosâ materie, hâcce veluti quodam ferruminante liquamine, intrà partis læsæ interstitia affusò, *Cavum Vulneris* adimpletur, carnosus scilicèt granulis quæ crescunt more *Stalactitarum*; undè sensim conglutinatio *Coalitio*, id est *Cicatrix*, inducitur,

III *Observations sur les vertus des Médicam. tirés des Plantes vénéneuses, &c.* Dissertatio quam nuper Societati Regiæ Scient. communicavi.

quæ omnis quotidie minor fit, donec ferè ligamentorum instar indurescat, depressione quâdam insculptâ, nempe juxtâ deperditam substantiæ copiam, insignis. Non aliter *Callum* quod est ossis Cicatrificatio, affusione scilicet mucî crassi terrâ quâdam calcarea foeti, ibique, vi partis assimilatrice, subacti appositique conficitur. Hanc autem depressionem habeatis, PHILIATRI AMANTISS., tanquàm argumentum eorum quæ circa liquationem cujusdam portionis textûs mucosi partis, in opere coctionis purulentæ, superiùs indicavimus. *Vix in Phlegmone suppuratio fit*, ait Ballonius, *sinè Carnis Erosione*; id *sinus indicat post Puris evacuationem* (1). Notate etiàm, nullâ Epidermide Cicatricem usquàm obduci, quatenus forsàn Cicatrix inorganica est, sensumque exindè validæ constrictionis, in tempestatum visciditudinibus aliisque circumstantiis, in parte non semel excitari.

Jàm-verò ex hæctenus recensitis, quædam Corollaria maximè momentosa velut spontè fluunt. 1^o. Cùm textus mucosus sit inflammationis & suppurationis præcipua sedes, multùmque insuper Cicatrificatiōi oppituletur suppeditet, sequitur hunc textum non parvam considerationem mereri in vulnerum historia. 2^o. Cùm Cicatrificatio sit corpus inorganicum, non aliundè emergens quàm ex mucoso liquamine ad partem veluti criticè delato, ibique concrecente, ac, coalescentibus textûs mucosi Lamellis, indurescente, in promptu est vanas proindè ac ridiculas prorsus æstimandas esse Theorias, quæ Cicatrificatiōis essentiam Formationem, in fictitia quadam vasorum discissorum utrinquè sibi invicem occur-

rentium projectura , vel reciproca osculatione ac coadunatione , reponunt. 3°. Deniquè patet ex iis quæ vobis , tanquàm , in Tabula , ex *Hippocratis* scriptis sedulaque observatione , fideliter exarata depingere conatus sum , eadem omninò observari Vulneris & Morbi acuti tempora , nempe tempus *Cruditatis* aut Irritationis , tempus *Coctionis* vel Suppurationis , & tempus *Criseos* vel Evacuationis , quod ultimum proximè insequitur Restitutio , *Cicatrix* , Sanitas. Cùm enim corpus , ut pulchrè monet Venerandus Senex , tum ad interiora tum ad extrinsecus idem unumque sit , eodem omninò Principio , iisdemque omninò legibus vel phænomenis , affectus externos ut & internos declarari , progredi , sanari perspicuum est. Hinc etiàm evincitur , varias organorum actiones , in vulnorum tempora *Phases* , ut in morborum acutorum tempora itidem influere debere.

His omnibus ritè perpenſis , nunc facilè intelligitur , quænam Diæta & quænam Therapeïa idonea in vulnere simplici , instituenda veniat. Hic ideò ut in morbis acutis , victus sit plùs minùsve tenuis nimirum juxtà varias ætates , Temperamenta , vires ægrotantis , Regiones , vulneris tempora , cæteraque. Dùm febris vehemens urget aut dolor violentus , tunc sanguis ad debitam copiam mittatur , præsertim sub initio , consultis sollicitè Vulnerati viribus , temperamento , &c. Cavendum insuper ne instanti Coctione , id est suppuratione , febris vehementiâ quadam decepti , sanguinis missionem damnosè adhibeamus. In his Pulsus dignotio , aliorumque symptomatum attenta exploratio , maximè conducibilis & necessaria. Quod si pravis succis gravetur aut molestetur ventriculus , ut exindè vel retardari vel disturbari queant vulneris processus , tempora , aut complicatio

catio morbi putridi extimeatur, tunc ad Purgationem, perspecto vulneris statu, habitu, tempore &c. deveniamus; Memores tamen in magnis vulneribus, à Purgatione abstinendum esse, quâ multum agitatio ingravesceret. De cæterò, alvus laxa fervetur, nimirum ope Enematum emollientium; commendetur Quies; vigiliæ immodicæ Anodinis, Paregoricis cautè adhibitis debellentur, &c.

Interim nonnulla levia topica, ad legem Artis, adhibeantur (1). Si profundum est Vulnus, ut sit in partibus valdè Carnosis, tunc spleniis appositis, nec-non fasciis ac deligationibus peritè dextrè-que circumductis, Unio, coalitio adjuvetur; vel *Sutura* sic dicta *Cruenta* instituatur, videlicet acubus chalybeis utrimquè crenâ insculpta, ad filum lubricum abscondendum, instructis. De variis autem suturarum speciebus, legantur Autores.

Prætereà, contactus aëris humidi vel frigidi præsertim, aut aliter noxii, diligenter arceatur. Quo circà quærere liceat, num Luna vel ex suo immediatò conspectu, vel quatenus ex suis variis Phasibus qualitates aëris fortè pessundare valet, quicquam in vulnera influat? Scio, ait Helmontius, quod si Luna super vulnus splenduerit, mox Labra livescere ac sanationi resistere (2). Legitur etiàm apud Cardanum, ni fallor, carnes ad Lunam expositas citius putrescere. Notat Fallopius quod in Pleniluniis quando Luna lucet tota nocte, Calvaria tota turgeat & humiditate referta sit;

§1j Circà illum usum Topicorum, nunquàm ex animo defluat sequens Hippocratis monitum; *Medicamentorum applicatio non est absolute necessaria in vulnerum curatione, illaque utilia propè non sunt, nisi ad decus quoddam politicum.* (Aphor. 1. cent. 11. aph. 44).

§2j Formar. ortus.

quandò autem non est Plenilunium, *Calvaria* non prorsus expletur à cerebro, sed adest spatium aliquod, & vasa quæ colligant sunt aliquantulum distracta; & hoc sciatis, pergit ille, esse verissimum quod ego in dissectionibus observavi (1). Hinc periculotiora esse vulnera capitis innuit Autor, absente Pleniluniô, cum tunc temporis fiat refilitio violenta cerebri ex motu in parte opposita, per inflictà vulnera gravia. Hanc voluminis cerebri variationem, ratione majoris aut minoris copię humoris aquei, & amplioris aut contractioris molis visceris, in pueritia & senectute insignem, non ità pridem annotavit Celeberr. *Cottugno*; ità ut puerorum Capita, aquâ & cerebro præprimis referta, in Plenilunio, ut ità dicam, continuo versentur, cum apud senes cerebrum rigidum, contractum, mole minuitur, fatiscit, crescente pari passu serosi laticis copiâ in *Calvariæ* cavo (2). An igitur actione quâdam ex se gaudet cerebrum? An tempestates ut ætates quicquàm in vulnera capitis? An vulnera in parte sinistra quàm in dextra perniciosiora, ut vult *Hippocrates*, quatenus partes dextræ sinistris robustiores extant? Novi sanè apud bene-multos, varices in sinistris partibus tantum dari. Novi quam plures mulieres quæ mensium fluxum immodicum è venis sinistris, magis quàm è dextris perpati videbantur, juxtà divisionem illam vasorum, *Cathixin* dictam à Veteribus: undè rectè *Ballonius* uterum geminum esse voluit. An tandem Clyma aliud vulneribus capitis, aliud tibiarum vulneribus noxium? Horum-ce Problematum solutionem sagacissimis observatoribus relinquimus. De postremo autem problemate, ni-

(1) De Vulner. c. 1. §. 1.

(2) De Ischiad. Nervo.

mirum quoad Clymatis influxum in vulnera capitis & tiliarum quem dari volunt nonnulli, animadvertere sufficiat cum Illustriss. nostro *de Lamure*, (*in Quæst. prò Reg. Cathedr. vacante*), nequè rationem, nequè observationem nobis lucem præferre in hac Problematis solutione, quæ tamen peti tantummodò potest ex alterutro fonte. *Dixi.*



PRÆLECTIO QUARTA.

De Vulneribus Complicatis.

UT certâ & ordinatâ methodo in Vulnerum tractatione procederem, PHIL. AMANTISS., *Vulneris simplicis* historiam, veluti Prodromô seu Prolusione quâdam ad *Vulnerum complicatorum* argumentum, in ultima Prælectione vobis tradendam duxi. Præstantiora igitur *Vulneris simplicis* phænomena indagavimus, nimirum suppurationis & cicatrificationis formam, essentiam, opus, nec non *vulneris simplicis* processum, tempora, hujusque cum morbo acuto æquiparationem æstimandam, assignavimus; in hæc omnia notabilem Principii *Sensifici*, aut vitalitatis influxum constanter annotantes, quem aliandè sufficienter indicat Corporis Animalis tum ad intus tum ad extus considerati unitas, Congruentia, jam à Medicinæ Romulo animadversa.

Tandem Diæta & Therapeïa idonea exin facile eruenda breviter exponebantur; etenim de hisce generaliora tantum, ob temporis Penuriam, afferre potuimus. Verum longè alia plura in *Vulneribus Complicatis*, considerata veniunt; quamvis tamen ad eundem scopum collineandum, conatus artis dirigendi sint, nempe ut ad congruam suppurationem optimamque Cicatricem, vulnus feliciter perducatur.

Porrò, *Vulnus Complicatum* dicitur illud, cui proximè accedunt nonnulla *Accidentia*, seu phænomena notabilia, vel cui junguntur affectus alii tum jam suscepti, tum adventitii; quæ omnia plus minusve gravia, non semel ad summum vitæ dif-

crimen, imò ad mortem vulneratum adducunt, & vel peculiarem vel multiplicem therapeiam, præter directam aut privatam curationem vulneris, plerumquè exposcunt.

Rursus, præcipua illa *Accidentia* vel ad vulnus in se, id est respectivè ad partes læsas aut gravitatem vulneris, absolutè pertinent; vel corpori inhærescentia aut ibi hospitantia, ex vulnere, tanquàm occasione datâ, produnt declarantur, cum eo combinationem fortientia; vel independentè à vulnere huic conjunguntur, sive ab extra sint inducta, sive ex variis conditionibus corpori adventitis promanent, quibus istud æquè ac vulnus non parùm alterantur.

Hinc ideò triplicis generis, juxtâ nos, statui possunt *Accidentia* in vulneribus, quæ ista *Complicata* sunt; 1^o. *Accidentia* sunt *Vulneri Essentialia*, *Primaria*, *Idiopathica* vel *Protopathica*, si fas est itâ loqui, id est, ut jam observavimus, vulneri arctissimè conjuncta tanquàm membra individua Vulneris; talia sunt *Hæmorrhagia*, *Animi Deliquium*, *Dolor*, *Convulsio*, *Fluxiones* &c. quæ môx ab inflicto *Vulnere* adoriuntur, & ab ipso vel à nonnullis partibus læsis immediatè pendent.

2^o. Dantur *Accidentia Mediate* plus minùs-ve proxima vel remota, quorum causæ essentielles non vulneri, sed corpori sunt inhærescentes aut assidentes, quæque tanquàm *Deuteropathica* vulnus secundariò infestant, aut in eo sui indicia præbent. Ad hæc potissimum revocanda veniunt temperies ægrotantis, morbi jam suscepti, affectus per sympathiam, & alia quibus ingravescit *Vulnus*. Ut res nonnullis exemplis illustrentur, contingunt v. g. *Hæmorrhagiæ* vel ingentes vel *Lethales*, à tenuiori sanguinis crasi vel à *Diatthesi scorbutica* apud *Vulneratum*; *Ædemata*, *Erysipe-*

lata , Fiftulæ aut ulcera alia pertinacia , Gangrenæ , prout cachectica aut cachomica vitia , vel biliofa *intemperies* , vel strumofa aut venerea Labes &c. adfunt , & meherculè , fi temperatam effe partem ad ulcera tùm glutinanda , tùm carne implenda , prorsùs oportet , ut docet *Galenus* , quid non patietur Vulnus cùm omnes corporis partes intemperie laborant ? Sic dantur etiàm vomitus & jejor coris affectus à vulneribus capitis , Paralyfes in partibus à vulnere remotis. Vidi nuperrimè militem qui exiguo vulnere offi mali dextri inflicto , hemiplegicus ex eodem latere factus est. Sic amplius observatione quotidianâ constat , Convulfiones dari violentiores ac faciliùs ingruere apud fubjecta debilia , nervofa , summè *Mobilia* ut dicunt , graciles homines & alios. Sic nonnulli morbi quafi fopiti , accedente vulnere exfufcitantur , produnt. Vulnerato Epileptico , infultus Epilepticus exindè fæviens Lethalis fuit. Militi fauciato , ex fubfequenti agitatione recrudit Gonorrhæa virulenta quæ per triennium filuerat. Apud alterum etiàm vidi , ex adhibito jam à quatuor aut quinque menfibus fonticulo , Gonorrhæam veneream duobus ab hinc annis , ut cenfebant , fugatam iterùm prodire. Non aliter ab eodem auxilio , Catamenia à pluribus menfibus fuppreffa erumpere , haud femel obfervatum est. Hæc porrò omnia Doctrinâ textûs mucofi faciliè intelliguntur. Sunt enim nonnullæ textûs illius portiones , in quibus degunt impacta & quafi fopita , quorundam morborum feminia , germina , inò & contagium ipfummet , ut forfàn dantur aliorum morborum *ideæ* , *conceptus* , verbis *Helmontii* utor , in nonnullis fystematis nervei portionibus , nempè in earum *Sensu* , tacitè infulpti ; quæ omnia manifefantur , *actuantur* , erumpunt vel inductâ vividâ quadam commotione , videlicèt textui mucoso aut fystemati ner-

teo, sive per accidens, sive per vim ac *diligentiam Naturæ totius corporis partes lustrantis & Expurgantis*, ut loquitur *Ballonius*, vel etiã datã, per lentam scilicet fonticuli evacuationem, in quibusdam textûs mucosi portionibus *Ecphraxi*, seu raritate majore aut mundatione, quã motus vel actio fibrillarum nervearum, his partibus immediate vel sympathicè prospicientium, liberior fiat atque expeditior (1).

3^o. Alia sunt accidentia ab extrã, aut *Casualia* tantum vulnere, id est vulnere in se spectato extranea, quæque tum ad res sic dictas *non-naturales*, tum ad pravam medicationem, tum ad qualitatem instrumenti vulnerantis, tum denique ad morbos ab extrinseco supervenientes, referri possunt. Pro exemplo sint *Gangræna* vel ab aere inquinato vulneribus superveniens vel à ferro aut telo venenato, vel à medicamentis tum externis tum internis malè aut perperam adhibitis, turundarum usu immodico, &c.; *Metastases* vel à pravo regimine, quæque ex notabili Regionis Epigastricæ in omne corpus influxu, Prædominio facile intelliguntur, vel ab animi Pathematibus &c.; tandem huc revocandi sunt morbi sive interni sive externi, vel à contagio suscepto, vel aliis hujusmodi causis adventitiis, vulneratum adorientes, quibus motus in œconomia animali pervertuntur, humores pessundantur, & vulnera gravissimas alterationes patiuntur.

Hæc sunt, PHILIATRI AMANTISS., varia Accidentia quibus Vulnera *Complicata* dicuntur, & talia reapse fiunt. Horum-ce singula Medicus aut Chirurgus diligenter perscrutetur oportet, ut sic Curationes, aut etiã, si casus adsit, Renuncia-

tionem coram iudicibus , apprimè dirigantur ; quippè , ait Galenus , *nec qui vulneratæ parti naturalem unionem esse moliendam novit , is Medicus est , sed qui quibus id rebus perficiat intelligit. Quamquam ne hoc quidem per se satis est , si quis etiã quo pacto his sit utendum nesciat ; sed qui viam omnem curationis eo usquè percalluit , & ipsum consequi destinatum finem queat , is demum est qui mederi novit (1).*

Eximiis igitur Celeberrimi istius Viri monitis Ducti , quædam ex præfatis accidentibus Vulnerum perpendere juvat , nimirum *Hæmorrhagiam , animi Deliquium , Convulsionem , Gangrenam , & Metastases* , cum eorum privata Curatione obiter tantum , ut fert angustia temporis , indicata , paucis ad calcem adjectis circa *Prognosim* Vulnerum , respectivè ad eorum Renunciationes apud Iudices.

Hæmorrhagia Vulneribus recens inflictis contingit , quoties vasa aliqua præcipua , Arteriosa præprimis , læduntur. Sanguinem ex arteria fluere dicunt , cum præter altitudinem ad quam sanguis cum impetu assurgit , liquor iste colore rutilante flavo-coccineò donatur ; at , quid de hocce postremo signo , nempe de colore sanguinis arteriosi , censendum sit , ex *Halleri & Spallanzani* observatis jam relatis (in *Prælect. secunda*) apprimè scitis , PHILIATRI CARISS. Dùm autem sanguis ex arteria mediocris magnitudinis effluit , *Hæmorrhagia* non semel spontè sistitur , fatiscentibus , scilicet usquè ad animi Deliquium , Vulnerati viribus ; præsertim dùm arteria in integrò discissa est. Tunc enim , aiunt , contracti arteriæ fines retrahuntur & subter carnibus sese abscondunt. Ve-

cùm hâc solâ contractione arteriarum, hæmorrhagiam fisti dubitat Expertissimus *Hewson*, qui nuperrimè egregia admodùm experimenta circa sanguinem instituit (1). Non negat attamen vir mox laudatus, arterias majores ut & minores contrahi; quod quidèm Experimentis ingeniosi *Kirkland*, in Anglia nuper comprobatum est; sed, ait ille, trumbi crassissimi qui in orificiis vasculosis uteri conspiciuntur, apud mulieres brevi post partum extinctas, nec-non Hæmorrhagia quæ, vasis duntaxat semilaceris aut non integrè discissis, spontè sistitur, minimè innunt hâc unicâ vasorum contractione & retrotractione, Naturam uti ad compescendas hæmorrhagias. Existimat igitur Clariss. *Hewson*, majorem ad coâgulum in lymphâ sanguinis propensionem à collapsu virium, ac in vasis fermè omnibus observabilem, plurimùm huic oppitulari. Compertum enim oculis habuit in quam-plurimis Experimentis, videlicèt in venæ sectionibus innumeris tum apud homines, tum apud oves in Lanienis jugulatas, sanguinem ferè omninò *mucosum* vel decolorem fieri, desciscente scilicet parte rubrà, prout vires animalis collabuntur, & unâ simul ad crustam pleuriticam in patella induendam, pruriorem reddi. Quibus omnibus adductus meritò concludit cum Præceptore suo Celeberr. *Hunter*, in animi deliquiis Hæmorrhagiâ immodica inductis, à cardiacis, stimulantibus aliisque id genus, prorsùs abstinendum esse, cùm Natura, animi deliquiô, tanquàm tutissimâ via, ut ità dicam, utatur, quâ sanguis in coagulum abeat, & sic, contractis unâ simul vasorum extremis abscissis, Hæmorrhagia compescatur. Huc revocari possunt observata Celeberr.

(1) *Experiment. Inquir. on the Propert. of the Blood, &c.*

Halleri & Spallanzani quibus constat, motus sufflaminationem in arteriis minimis, fatiscentibus viribus, incipere, pergendo, quasi motu antiperistalticò, ab istis vasis ad majora usque ad cor, tuncque sanguinem in prædictis vasis decolorem videri; colorem verò rubrum iterum induere, adhibito quòdam stimulo, quo denuò aliæ aliis invicem accedunt aut conglomerantur particulæ rubræ. Undè patet ratio cur non compescenda sit hæmorrhagia in nonnullis vulneribus, nec animi Deliquio nimis obfistendum.

Verùm dantur Hæmorrhagiæ quam-plures, ut, v. g., ex arteria majori non integrè discissa, quæ nullam spontaneæ Cohibitionis spem admittunt. Tunc ideò compressio adhibeatur per lintea carpta, orificio vasis discissi appressa, præsertim ad illius latera, (quæ methodus à Celeberr. *Petit* emendata, tutior ac usitatio est) adjunctis pro rei necessitate, fungi igniarii seu agarici admotione, imò & liquore Car. *Theden*, (Vid. in *Trid. Quæst. quartam*), ligaturâ tornatili, ligaturâ arteriæ ad methodum *Paræi*, id est comprehensis circumcingentibus carnibus ut in amputatis membris, &c.

De Victu idoneo ut & de aliis auxiliis medicis, jam in limine dictum est. Nihilo tamen minùs hìc ampliùs observare juvat, quod non semel motus invertendi aut Revellendi causâ, sanguis mittendus sit in magnis hæmorrhagiis, modò vires constent & arteria læsa parva fuerit, nec-non consultò vulnerati temperamento, perspectisque aliis ad vulnus spectantibus. Hæmorrhagia enim in plurimis vulneribus, *fluxione* non parùm innititur, fovetur, vi scilicet partis attrahente; quod quidèmedulò notandum. Præterea, constat Experimentis Clariss. *Hewson* jam Laudati, quod in lentis Hæmorrhagiis venæ sectio repetita, dum vires ani-

malis citò profternit, non parùm Repreffioni Hæ-
morragiæ conducat, nempè fanguinis coagulum in-
ducendo.

Sic etiàm Cucurbitulæ in parte oppofita, alia-
que Attrahentia, eòdem Revellendi fcopo à præf-
tantiffimis Clinicis præfcribuntur. Cucurbitulæ Ve-
teribus præfertim commendabiles erant non folùm
ad Hæmorragias in Vulneribus compescendas, fed
etiàm ad Calli materiem copiofiùs luxuriantem aver-
tendam, iftam verò lentè vel modicè affluentem
attrahendam, quò uberior exin procederet (1).

Quoad verò Purgationem, jam notavimus hanc
effe in magnis Vulneribus rejiciendam; quamvis
tamen in quibusdam immodicis hæmorragiis ute-
rinis, non femel Cathartico-Emetica, præ cæte-
ris Radix Brafilienfis nonnullis fimplicioribus Ca-
tharticis nupta, cum felici admodum fucceffu,
nimirum ad motuum Inverfionem aut Revulfionem
obtinendam, adhibeantur; quod nemini Præctico
ignotum. Non aliter in quibusdam vulneribus capi-
tis, Cathartica commendantur ab *Hippocrate* (2),
affentiente prorsus *Galeno* (3). Purgatio infuper à
cachochymia aut *Saburra*, ut loqui amant nonnulli
Recentiores, ventriculum gravante &c., quando-
que indicari valet. Undè mirari fubit quod fapien-
tiffimus *Swietenus*, in tractatione Hæmorragiæ à
vulnere, de purgantibus ne verbumquidè fecerit.

Sed ut finem dicendi faciam Clepfydra monet;
quamobrem, quæcumque adhuc de accidentibus
Vulnerum dicenda reftant, ad proximam Præ-
lectionem remittimus.

1) Vid. præ cæteris apud *Celfum*.

2) " In magna vulnerum parte inferiorem alvum
purgare convenit, tum etiàm in vulnerum capitis,
ventris, articularum, &c. ", (*De Ulcerib. Sect. VI.*)

3) Vid. lib. IV. de *Method. medendi*.

PRÆLECTIO QUINTA.

De Vulneribus Complicatis.

INTER Præcipua accidentia quibus , in ultima Prælectione , *Vulnera Complicata* fieri vidimus , quæque vohis , ut ferebat inopia temporis ac præsentis quæstionis amplitudo , ordine contractô & quantum potui , nitido exposita fuere , quædam præ cæteris , ut puta *Hæmorrhagia* , *animi Deliquium* , *Convulsio* , *Gangræna* , *Metastases* , cætenus assignabantur , quatenus peculiares considerationes promereri videntur , in hoc Pathologico *Vulnerum Conspectu* aliquatenus saltém perpendendas.

Primum igitur quod ad *Hæmorrhagiam* pertinet , *animi Deliquium* ut viam proposuimus , quâ Natura interdum utitur ad *Hæmorrhagias* compescendas , dum scilicet sanguis proinde tardissimè motus ac ferè quiescens , facilius in *Coagulum* abit , quô cavum *Arteriæ* unà simul contractæ in extremo obturatur , & sanguinis fluxus pari passu reprimitur : alia deniquè auxilia quibus *Accidens* istud in plurimis circumstantiis debellandum venit , ex æquo indicavimus ; nunc cætera juxtà propositum ordinem prosequamur.

Animi Deliquium seu *Lipothymia* , id est virium Defectio plus minus-ve notabilis cum sensuum obscuratione , aliud accidens in vulneribus non infrequens , peculiares considerationes vicissim promeretur. Cum illius ope , aliquandò , ut mox dicebamus , sistantur *Hæmorrhagiæ* , hinc vidimus nullis cardiacis aut irritantibus vires tunc temporis esse exsuscitandas. Nihilominus tamen in his cir-

cumstantiis, animi Deliquium vel Refrigerantibus, vel etiã inſperſione aquæ frigidæ à *Fallopio* valdè commendata, debellari poteſt. Verùm non ſemel adest in vulneribus, animi Deliquium à viſrium exſolutione, ut fit poſt Pugnam v. g., à Dolorè, à violento animi Pathemate, cauſiſque alii-
Hæmorrhagiæ alienis, imò & nullâ accedente notabili Hæmorrhagiâ. Hic datur *Senſûs* & caloris attritus, concentratio, vel etiã non ſemel ſuffocatio. Sic Dolor & violenta animi Pathemata quandoquè Lethalia; tendines denudatos in ſua manu conſpiciens vulneratus quidam, hoc ſolò conſpectu de repente obiit. *Senſus* in hiſce caſibus ſpaſmodicè commotus, tam arctè tam validè ſeſe in ipſummet iuflectit &, ut ità dicam, unâ cum ſanguine cogit, ut ſeipſum prorsùs atterat vel ſuffocet, teſte *Petro Salio* qui in cadaveribus ſyncope cardiaca denatorum, infarctus ſanguineos polypoſos notabiles, circâ Cor obſervavit, veluti violentâ quadam ſanguinis ac virium irruptione ad Præcordia factâ. Hinc ideò, ut videtis, prout variant cauſæ animi Defectûs, variari debet illius Cura-
tio; Videlicèt nunc Cardiaca, Analeptica, Calefacientia, ſtimulantia, frictiones adhibeamus; nunc verò Antipaſmodica, Anodina vel potiùs ſedativa, imò & quandoquè ſanguinis miſſio, cæteraque in uſum advocentur, non neglectis externis Auxiliis quæ ad Vulnus aut cauſam *Complicantem* ibi aſſidentem proſpiciunt.

Convulſio, ut Notavimus, non rarò etiã ſe vulneribus comitem addit. Atqui *Convulſio* dicitur violenta, invita, inordinata fibrarum motricium contractio, juxtâ Definitionem ab *Illuſtr. Gaubio* & *Cullen*o Profefſore Edimburgenſi traditam; ſub quo etiã nomine comprehendì volumus ſpaſmos in genere; licet nonnulli ſint qui ſpaſmum à Convulſione diſtinguunt, illum vocantes continuam,

hanc alternantem musculorum contractionem : Ast utrum hæc Distinctio necessaria sit , meritò dubitare licet. Varias igitur Tetanos species ad Convulsionem aut spasmodum , tanquàm species ad genus , ampliùs esse revocandas arbitramur.

Dantur porrò in Vulnere Convulsionem aut spasmodum , ex scilicet nervis aut tendinibus vel punctis , vel semilaceris , vel etiàm violenter distractis. Scitis enim , PHILIATRI AMANTISS. , per nervos animari tum musculos , tum alias quascumque corporis partes vel *sensibiles* vel *irritabiles* dictas. Est igitur *irritabilitas* essentialiter considerata , nihil aliud quàm *Sensatio* , ut ità dicam , *Motiva* , *Excussoria* , id est motibus plus minus-ve validis aut insignibus manifestata , exserta ; quod quidem multum pendere existimo à substantia crassa , elastica , & à fabrica cellulosa textus mucosi , nonnullis partibus , (ut , v. g. , Musculo) respectivè ad earum munus , dicata , addicta. Sunt enim partes , ut Nerveæ omnes , quæ sensu evidentissimo & obscurissimo motu donantur ; aliæ contrà , ut Carneæ , quæ motus evidentissimus & obscurissimus sensus inest. Sic functiones *sensuum* cum sensu manifesto & motu occulto , dùm è contrà functiones *Vitales* cum motu manifesto & occulto sensu peraguntur , ut passim ex Celeb. Bordevio declaravimus (1). Convulsio , ait *Helmontius* qui de sensu & vitalitate partium præclara quidem scripsit , Convulsio non ex motu voluntario , sed ex naturali sensatione motuque musculorum (2). *Sensatio* itaque & *irritabilitas* , eodem Principio , videlicet sensu , radicitus manant. Vita enim quædam , sensatio ,

1) Vid. præcipuè in Encyclopedia , ad verbum *sensibilité*.

2) De Lithiasi.

& motus, præter voluntarium; est in carne ut cum optimo *Sthalio* loquar. Undè facile intelligendum venit quo pacto detur in musculis contractionis convulsoriæ motus, in statu naturali, voluntatis imperio facile repressus vel obtemperans si tamen Cor & Pulmones exceperitis, quæ tùm consuetudinis vi, tùm stimuli continuitate (nempè sanguinis & aeris præterlabentis) vel ex Naturæ Proposito, in motum jugiter cientur, aliquandò etiàm interceptis aut abscissis illorum organorum Nervis (1).

Jàm verò sicuti *sensatio* è minimo puncto systematis nervei, in totum illud systema adusquè Encephalon aut sensorium commune propagatur, defertur; ità *sensatio* vicissim ex sensorio communi, in omne systema nerveum diffunditur. Quocirca monendum incumbit, legibus sympathiæ vel communionis organorum inter se, convulsorias sensationes non parùm obsequi; undè plurimæ quandoquè stupendæ variationes in convulsionibus, tùm quoad locum, tùm quoad vim & effectus subsequentes. Hic ampliùs alia consideratio non levis occurrit, nimirum affectus spasmodicos convulsivos è læso Cerebro primariò emergentes, motitatione quadam convulsoria in musculis faciei ut plurimum, & primo loco manifestari; vel partem oppositam capitis aut corporis aliquandò infestare, ut plurimis in locis notat *Hippocrates* (2). Tandem

11) *Triduan*, *Quest.* 2. Ubi Phænomenum istud explicatur, ex *Cancellario Ampliss.*, per influxum sympathicum virium quæ exercent functiones analogas; quod quidem *Celeb. Picquerum* inibi laudatum sed spirituum Hypothese nimium addictum, latuit; licet communionem intimam ritè noverit dari inter partes principales ut Cor & Cerebrum, &c. vi quâdam occultâ.

12) De hujus Phænomeni interpretatione legatur *Morgagni*, de *Caus. & Sed. morbor.*

Convulſiones eò vehementiores eſſe & periculoſiores , quò vividior eſt ſauciati nativa ſenſibilitas , & quò proximius à Cerebro , vel medulla oblongata & profundius infligitur vulnus.

Addendum , quod in Vulneribus Convulſio etiã contingat ab Hæmorrhagia immodica , dùm ſcilicet vires Nerveæ aut Principii vitæ ſuperſtites , ſanguinis mole , vel cordis & vaſorum actione , non ampliùs æquilibrantur. Niſi vobis alia hæc Sententia *Helmontii* , quæ eſt etiã *Ballonii* , magis arrideat ; nimirum muſculos vitâ propriâ viventes , per illam ſeſe tendere pavidô ſpasmô omnes , ad ſenſationem mortis. Undè corollarium iſtud ſpontè fluit , nempe vitam non eſſentialiter in ſanguinis motu conſiſtere vel ab illo motu pendere , ſed ab eo duntaxat , ut ab aliis functionibus , perennari.

Deniquè tandèm *Convulſio* in vulneribus oriri poteſt vel ex dolore , vel ex venenato inſtrumento cauſiſque aliis quas hîc recensere non ſinunt Anguſti Prælectionis limites. Dolor. autem , PHIL. AMANTISS. , eſt veluti ſpasmus contractiſſimus quò multum diſtrahuntur nervi , daturque ſenſatio moleſta in parte ; quæ ſenſatio ad ſenſorium commune , tanquàm ad animæ ſedem deferitur ubi æſtimatur , componitur , oomparatur , & cum idea doloris proindè ſuſcepta , ad partem ex Encephalo dimittitur. Et meherculè mentè , ut ità dicam , exuatur corpus ſenſorio communi vel illo ſenſationum Emporio , tribunali , erit ſemper ſenſationis perceptio in parte ; neutiquàm verò doloris propriè dicti ſenſus. Eſt ideò dolor , tanquàm idea vel ſenſatio reflexa. Nec aliter explicanda venit hæc divi ſenis ſententia , perperam à ſeptico *Bayle* , *Galeno* adſcripta ; nimirum , *Si unus eſſet Homo non doleret , quia non foret undè doleret.*

His de *Convulſionis* Theoria prælibatis , quotiès Nervus aut tendo læſus , ſemilacerus convulſiones Notabiles

notabiles inducit, destruendus est ille, videlicet per Dissectionem, Compressionem, Caustica & alia; modò tamen exin nullus metus adsit malì gravioris. Si verò à dolore proveniat Convulsio, inunctiones oleosæ, fomenta emollientia, adjectis Anodinis, Antispasticis &c., adhibeantur. Fomenta ab *Hippocrate* adeò prædicata, præ cæteris utilia, cum scilicet calore & virtute relaxante agant; *Calore relaxantur Nervi*, ait *Hippocrates* (1), ac proindè tonò partis mollitò, debilitatò, inibi demulcetur *sensus*, sicque non semel tumor & modica inflammatio dantur in Vulnere; quæ quidem sunt valdè optabilia.

Quod si *Convulsio* ab Hæmorrhagia immodica pendeat, tunc confugiendum ad Jura carniū quibus pauxillum acetosæ, vel orizæ, vel avenæ aliorumque Cereorum mollissimorum incoquitur; ad Albumen ovi coctum cæteraque levia Analeptica. Si à præsentia sanguinis putridi vel fragmenti instrumenti vulnerantis aliorumque corporum extraneorum; hæc cautè auferantur, nimirum per lotiones, dilatationes, suctum quò antiquitus *Psylli* utebantur, extractiones, terebrationes & alia auxilia Chirurgica Vulgatissima, quæ tamen nisi peritâ manu ac prudenti consilio adhibeantur.

Hæc porrò Accidentia hætenus recensita, mòx ab inflictò Vulnere ut plurimum adoriuntur; sequentia verò ociùs feriùs-ve inflictis vulneribus sese adjungunt. Talia sunt,

1^o. *Gangræna* quæ est mors incipiens in parte. Moritur autem pars in *Gangræna*, ob quamdam perversionem & obscurationem *sensus* in illa. Est igitur causa primaria, essentialis, *Gangrænæ*, in hacce pessundatione vitalitatis aut illius exerci-

iii, reponenda, sic ut exindè humores ac præprimis Textus mucosus penè emortui, fermentatione plus minus-ve septica sensim corripiantur. Inest enim humoribus Textuique mucoso vita quædam mutuatio, ab influxu Principii vitalis aut *sensus* nerveis partibus potissimum addicti, & quò velut *hypostaticè* ditantur istæ, licet quandoquæ *sensus* inibi feriri videatur, & quidè per causas multigenas. Atqui Textus mucosus vitâ illa mutuatio precaria ad minimum gradum donatur, ut potè cum Textus iste sit velut corpus Physicum, corpus animale minimâ fibrilla tenus obvolvens obvestiens; undè facilis Propensio ad Gangrænâ aut Mortem, quotiès influxus vitalis in illo pervertitur aut destruitur. Et meherculè cuilibet attendenti patebit, Textum mucosum in Gangræna, præ cæteris gravissimè affici.

Jàm verò Gangræna à prava Medicatione, ab Instrumento venenato, ab inquinato aëre, causifque aliis extrinsecis plerumquæ vulneribus contingit (Vid. prægressam Prælect.) Intèrèa tamen, nonnullæ observantur Gangrænæ in vulneribus, à translatione aut fluxione, ut ità dicam, Miasmatis Gangrænæ à partibus internis ad externas, ut in quibusdam morbis putridis malignis. Hinc igitur Gangræna à causa interna & à causa externa: verum de hoc gravissimo vulnerum symptomate, ut & de illius Therapeia fusiùs forsàn ac opportuniùs in Prælectionibus de *Antisepticiis*.

2º. *Metastases* cùm Crisibus propriè dictis non confundendæ, sub quo nomine intelligi volunt Medici tùm Morborum successiones quæ Primigenios exsolvunt, ut, v. g., cùm à Quartana superveniente curatur Palpitatio Cordis; quæ fausta successio apud Celeberr. Mathematicum de *Lahire* observata est, aut cùm sæviante Arthritide, discutiantur nephritici dolores &c.; tùm illæ humo-

tum translationes criticæ à parte nobiliori ad ignobiliorē, (ut in Parotidibus ex *Diadoche* quæ à *Metastasi* propriè dicta sedulò distinguenda venit,) & vice versâ; tum etiam Translationes, Refluxus materiæ purulentæ vel ichorosæ vulneris aut abscessûs, ex hisce partibus ad alias, præsertim ad internas, persistente adhuc morbo Primigenio aut illius foco; quod interdum plus minus-vè de repente accidit, licet contrarium asseratur apud Acta Academ. Reg. Chirurgiæ, in Dissertatione de *Metastasis*, ubi plura quidè desiderantur.

Hæc autem postrema Metastasis vulneribus non semel contingit, ac per causas varias determinatur, quarum frequentiores duplicis generis statui possunt. 1^o, Igitur sunt causæ inhærescentes ut Intemperies partis, morbi suscepti, humorum prava Diathesis, temperamentum irritabile &c., vis sympathiæ inter nonnulla organa insignis, v. g., inter Genitalia & Pectus, inter Caput & Jecur, &c., undè Metastases improvisæ, aliaque Accidentia quæ Diagnosim & Prognosim in morbis externis æquè ac in internis, obscurant aut fallunt. 2^o, Varii stimuli tum interni tum externi, ut cum Perspiratio insensibilis reprimatur, Purgantia vel fortiora, vel intempestivè adhibentur, cibi nimii assumuntur, animi pathemate vivido Regio Epigastrica concutitur, topica stimulantia, irritantia perperam applicantur, cæteraque id genus. Atqui hisce Metastasis nulla via patentior faciliorque, nisi per textûs mucosi aut cellularis mæandros. Hinc etiam ut & sympathiarum Lege, haud difficile explicatur, quò pacto Metastases fiant vel subitaneæ, vel juxtà *Rectitudinem loci* &c.

Jàm verò inter præcipua signa futuræ Metastasis in Vulneribus, recensentur suppuratio minor, Collapsus Labiorum Vulneris, Color horum-ce pallescens, Dolor quidam internus, Rigor anomalus

cum pulsu contracto, frequenti, *Convulsivo*, &c. Quod ad *Metastadium* curationem pertinet, ex earum mox tradita *Æthiologia*, curatio illa disponenda venit; nimirum modò *Topica emollientia*, *venæ sectiones*, *emetica*, *cathartica*, modò *Attrahentia*, *Diaphoretica*, *Aperientia* cæteraque adhibeantur. Ast de hisce satis superque ab strenuiss. Antagonista edocti estis, ut iis non immoremur.

Sic ideò præstantiora *Vulneris complicati* phænomena, quatenus *Vulnus Complicatum* constituentia, peragravimus. De his omnibus non quæcumque poteram dixi, nequè enim id tempus tulisset; sed ex infinita copia eorum quæ dici possunt, quantum satis esse judicavi, ut *Vulnerum* natura, essentia, mutatio in corpore exinde enascens &c., vobis patefcerent, illorumque curationem dignosceretis consistere tantum in *extractione*, *evacuatione*, aut *amotione* eorum quæ *Vulneris* tempora ejusque processum ad *Suppurationem* seu *coctionem* impediunt; quæ quidem omnia maximam *Analogiam* arguunt, jam in limine vulnus inter & *Morbum acutum*, *stabilitam*; cujus *Analogiæ* alterum *Argumentum* est, quædam *urinarum Hyposthasis* in vulnere æquè ac in morbo acuto *coctionem* aut *suppurationem* indicans. Nè igitur *Ars* adeò superbiat; ne suas manuales operationes elatè nimis ac magnificè prædicet aut buccinet, cum utiquè constet *Naturam* esse vulnere ut & morborum quorumcumque *Mediatricem*.

Nunc verò de *Vulnerum Prognosi*, præcipuè quoad *Relationes* apud *judices*, hic juxta propositum ordinem nonnulla subjungenda essent; ast principaliora tantum indicare vix finit temporis penuria. Ut igitur de *Vulneribus* *Æquum* feratur *judicium*, pluriina *Medico* observanda veniunt.

Sic qualis erat Vulnerati situs in ipsomet Vulneris instanti , quisnam Aggressor animus , quænam partis aut organi læsi præstantia , quænam instrumenti forma indoles , quænam ætas , sexus , temperamentum &c. , minutim fiscitari oportet. Ex æquo etiã respiciendum est ad Tempestates, Regiones, diei tempora , ut ad sympathias, Relationes organorum inter se &c. Exiguo vulnere plantæ pedis inflicto , Tetani lethales quandoquæ adoriuntur , ut unum aut alterum exemplum nuper in hac Civitate habuimus. Mulierem gravidam in sub-Urbio *de Lates* , post diem tertium ab infixo plantæ pedis Clavi fragmento , convulsam periisse vidi , quod idem , ut notum est , Nigritis ex morfu rodente cujusdam insecti cui nomen *Chique* , apud Americanos non rarò contingit. Forsàn adhuc non negligenda quæ de Lunæ influxu notavimus , nimirum ex *Cardano* , *Fallopio* , & *Helmontio* , quibus comitem adjungere potuissim *Ballonium* qui nonnullis observationibus , ex immediato Lunæ splendescantis influxu , *Cerebrum Crudore quodam percelli* comprobat , commonstrat : Uno verbo , ad hæc omnia ritè investiganda & callenda , necessaria admodum est commemoratio sapiensque applicatio eorum , quæ de variis Accidentibus Vulnerum huc-usquæ protulimus. Tali enim Criteriò , ut & prudenti cunctatione , disjudicare poteritis , an Vulnus sit ex se aut absolutè lethale , vel tantum per accidens ; quæ quidem Dignotio maximi momenti est tum ad curationem disponendam , tum ad Renunciationes legales concinnandas. De his insuper legantur Autores tum Veteres , tum Recentiores , & quoad Renunciationes apud Judices , *Paulum Zacchias* , *Valentini* , *Bohnum* , *Herneſt. Hebenſtreit* , præ cæteris adeatis.

Sic vobis offerebam , PHIL. AM. , conspectum Pathologicum de Vulneribus , rudem , mancum ,

fateor, sed qualem sub hac temporis inopia proponere licuit, servatâ ramen, ut potui, Methodo Præceptivâ quæ nobis potissimum conquirenda est; cavendo etiâ, ne observata animum percellentia potius quàm Alentia passim Venantes, prò Doctrina filô continuò pertexta, *membra*, ut ità dicam, *disjecta* vobis obtruderentur.



PRÆLECTIO SEXTA.

De Usu Medico Ferri.

FERRUM seù *Mars*, vel etiàm *Chalybs*, sic var-
 riò nomine apud *Materiæ Medicæ* scriptores
 insignitum, metallum nemini ignotum, terra quâ-
 dam vitrescibili & Phlogisto multo constans, nec-
 non Acidis omnibus vel plerisque substantiis salinis
 imò & aquâ ipsamèt solubile (1), ferrum, inquam,
 inter efficacissima remedia jàm antiquitus recenseri
 vulgatissimum est. Sanationem *Iphicli* Argonautæ à
Melampo, Historia vetus Medicinæ consecravit.
 Exin, crevit in dies fortuna *Martis*, ità ut hodiè
 apud Recentiores omnes, ferrum ob virtutes quas
 volunt *Tonicas*, *Aperientes*, *Adstringentes*, *Emmena-*
gas, *Absorbentes*, cæter. que maximè celebretur.
 Verùm, cùm variæ illæ dotes nullam de essentiali
 veraque Medicamentosa ferri indole, fixam aut
 stabilem idæam præbeant, sintque ex hisce non-
 nullæ quæ aliæ aliis invicèm oppositæ, mutuò sese
 excludere videantur, (ut putà virtus *Adstringens* &
 virtus *Aperiens*); hinc eas omnes ad unicam, nem-
 pè *Tonicam*, reducere juvat; quæ quidem virtus,
 febre, irritatione, aliisque Accidentibus ex usu
 ferri enascentibus, apertè declaratur. Hæc Porro
 virtute tonica ritè æstimatà, egregii quicumque
Martis effectus, haud difficilè intelligendi veniunt;
 undè operæ pretium esse mihi videtur, si quæ-

1) Ferrum aquâ etiam purissimâ solvitur. Errant igitur illi qui ferrum in aquis, nisi mediantibus salinis substantiis inibi hospitantibus, solubile esse contendunt.

dam velut summa Capita Doctrinæ Physiologicæ passim ubiquè in prægressis Prælectionibus traditæ, hic breviter revocem, ut inde æstimatio illa virtutis tonicæ in ferro, quoad usum hujusce Medicum, tuto feliciterque educi queat.

1^o. Igitur, ut ex vulgari Apophtegmate notum est, *Medicamentum non agit in Cadaver*; quod idem est ac si diceretur, Medicamentum nihil nisi in corpus vivum agere. Atqui in corpore vivo præter *Sensum* aut Principium illud quò animantur & vivunt omnes partes, considerata venit illarum substantia, Materies quatenus vel ex sua contextura ac Elasticitate, Robore quodam Physico gaudet cui, accedente vitalitatis vi, datur Robur quoddam aliud, nempe Physico & vitali Compositum, quod *Tonum Essentialem* haud ineptè dices. Undè fingi potest moleculas mucii vel substantiæ partis, in mutua quâdam vicinitate determinata, juxtâ scilicet partis illius officium, ac vigentem inibi vitalis energiam proportionatam, persistere (1).

Verùm præter illas partium Dotes quibus vivæ

§11 Ex majori cohæsione molecularum in fibra musculari, per vim Irritabilitatis, Problema à Cel. *Borelli* Propositum (nempe circâ vires musculi contracti in vivo, quoad vires ejusdem, musculi in mortuo) solvi contendit ingeniosus *Fontana* (loco citato). Vult enim in contractione musculi viventis, moleculas fibræ carniæ, novô robore animari (vi scilicet Irritabilitatis) quod juxtâ Directionem vi distrahenti contrariam agit; Sic ut robur istud, hæc vis Irritabilitatis, sit in ratione composita numeri fibrarum quæ ingrediuntur fabricam musculi, quarum singula robore Irritabilitatis donatur. Verùm jam animadverterat Clariss. *Barthez* circâ idem illud Problema *Borelli*, quod fibræ muscularis contractæ crescat robur Physicum, moleculis vi vivâ appressis. (*De Principio. Vital.*)

perstant,

perstant, his ampliùs accedit influxus sympathicus particularum quæ magis cum illis consentiunt, quo influxu non solum ad actionem moventur particulæ sibi invicem famulantes, sed etiàm earum *Tonus Essentialis* velut tono alio quodam *adventitio* excolitur fovetur, daturque partium omnium *Tenor* ille *Aretæo* apprimè Notus. Hinc igitur quotiès *tonus essentialis* in parte quadam præcipua vitatur, tunc necessario vitium illud arguit Perversionem quamdam vel in vicinitate respectiva molecularum muci, vel in correlatione roboris *Vitalis & Physici*, ac proindè in ordine & Processu sympathiarum. Sic ex nativâ partium laxiori compage, sexus sequior & pueruli, obstructionibus, spasimis &c., magis obnoxii quam viri; sic in fædis còloribus *dissolutio ventriculò*, ut ait *Balloonius*, pessundatur organorum conterminorum ut & cutis universæ *Tonus essentialis*, compages, undè *Cachexia*, &c. Huc quodammodò revocari posset *Strictum & Laxum Methodicorum*, modò tamen exindè non dematis vitalitatem seu Principium vitæ, quatenùs in hosce affectus plurimum influens; quod nimium isti Medici Neglexisse videntur. Erit proindè *Strictum* ex *Tono Essentiali* vitiosè adaucto, undè irritatio quædam *sensûs & motûs*, *pulsus*, *tensus*, *rigidus*, &c., *Laxum* è contrâ, non semel ex prægressò *stricto* emergens, cum ex *tono essentiali* labefactato, vires & motus languescunt, *lentor & Vappiditas* quædam adest in humoribus, *pulsus mollis*, *debilis*, &c. quæ quidem vitia singula, vel nonnulla tantum vel plurima organa infestare valent, vel etiam unâ simul eisdem organis assidere, undè affectio quædam *mixta*.

Ex his igitur tanquàm ex binis *Postulatis*, indicationes & contraindicationes generales circa usum Medicos ferri, spontè produnt; quod mox clariùs illustrabitur.

Diximus varias ferro adscriptas qualitates, ad virtutem *tonicam* seu roborantem revocandas esse; nunc verò addendum, ferrum agere vi quâdam *Physicâ*, imò & non semel *Chymicâ*; *Physicâ* dùm Robur *Physicum* adauget, vitale Robur potenter *exsuscitans*, quamque, sub certo quodam respectu, nempè ex illa quam inducit, sub parva mole, motuum alteratione notabili, demtis etiâ primarum viarum acidis quibuscumque (1), *Mechanicam* & *geometricâ quasi proportionis* existere, censet ipsemet *Sthalius*; *Chymicâ*, quæ absorbendis acidis Primarum viarum potissimum impenditur, sic virtuti *tonicæ* viam quasi sternens; undè si immediatam in ventriculo acidorum absorptionem exceperitis, cui minùs directè quidem vis propria ferri prospicit, omnes hujusce proprietates ex ipsius virtute *tonica* facilè deducendæ veniunt. Et mercurulè, ferrum dùm Robur *Physicum* & vitale adauget, id est *tonum essentialem* restituit, meatus collapsos, obstructos renovat, reseat, corroborat, fibrillas nerveas ac fines vasorum penè inertes erigit, exsuscitat, secretiones & excretiones ciet, itidem sympathiam organorum & Harmoniam Vitalem instaurans.

Ex dictis igitur abundè liquet, ferrum, juxta Doctrinam Methodicorum modò jam assignatò intellectam, temperamentis, frigidis, debilibus seu *Laxo* laborantibus maximè convenire; temperamentis verò calidis, ficcis, delicatulis, *strictò* laborantibus multum nocere. Sic in quibuscumque

11) Ex ista observatione vulgatissima evincitur, quod minùs rectè dixerint nonnulli, cæteroquin commendatissimi viri, asserentes ferrum, nisi prius solutum acidis primarum viarum, agere non posse.

morbis Chronicis à laxitate vel debilitate oriundis , præsertim in obstructionibus incipientibus , Chronicis adhuc levioribus , vel Chronicorum reliquis tenuioribus , ut monet *Stahlius* , Præstantissimum esse Vulgatissimumque Præsidium ; etenim tunc temporis , usu ferri vel corroborantur solida , aut major fit molecularum vicinitas Robore vitali adaucto , vel excitatur febricula quædam salubris quâ viscera referantur , obstructiones leves discutuntur , non secus ac febriculâ nocturnâ apud infantes sæpius observandâ , arcentur aut delentur obstructiones viscerales quibus isti non parum obnoxii sunt. Verum è contrâ in affectibus à *stricto* pendentibus , subjectis calidis , irritabilibus , ferrum cane pejus vitandum est , cum in hisce febrem nocivam , calorem hecticum , imò & Hæmophthisin , haud rarò exsuscitet , vel infarctus , obstructiones adaugeat , viscera Irritatione quâdam noxiali percellat ; idem dictum volumus quoad vetustos affectus quam plurimos ; in his enim metuenda venit vel corruptela viscerum , vel eorum Purulenta aut Schirrosa Labes ; sic in nonnullis vetustis Mensium suppressionibus , Chalybeata , cæterum in hoc affectu valdè conducibilia , quandoquæ summè damnosa ; cujus rei Argumentum perhibet Clariss. *Weilkar* Principis Abbatis *Fuldæ* Archiater , in suis observationibus nuperrimè in lucem editis , Capite , *an ferri vis sit Emmenagoga ?*

Sic in Hippochondriacis & Hystericis affectionibus , præcipuè in Hippochondriacis , cum remediis Chalybeatis cautè mercandum ; quæ quidem remedia , nisi signis laxitatis vel debilitatis apparentibus , propinanda sunt. Dixi *præcipuè in Hippochondriacis* ; etenim morbus Hippochondriacus vel ex alterata motuum & sensûs universa distributione , ac subindè vitiatâ aut perversâ sympa-

thiarum lege , sæpissimè oritur (1) ; vel ex *stricto* & *Laxo* combinatis , sic tamen ut *strictum* prædominari videatur saltèm sub initio morbi ; de cæterò in ætate paulò provecta , & plerumquè ex diuturnis animi contentionibus , adoriens , viris admodum familiaris. In Hysteria verò *Laxum stricto* sæpissimè prævalet , hînc affectus iste magis purè spasmodicus , ut animadvertit Illustr. Cullenus. Prætereà Hysterica Passio ut plurimum morbus est accidentalis. Quæ quidem distinctiones sunt maximi momenti in Praxi.

Jàm verò ferrum vel immutatum , vel Naturâ simpliciter aut arte alteratum , vel etiàm calcinatum , perustum , ad usus medicos existit. In priori statu nempe immutatum , *ferrum in substantia* , *ferrum nudum* dicitur ; in altero , *Rubigo* vel *Crocus* appellatur. *Crocus* autem duplicis generis est , vel *Calx absoluta* seu *Phlogisto* omninò carens , vel *Calx imperfecta* id est *Phlogisti* partem aliquam retinens. Idem dictum sit de *Rubigine* quæ *Calx* est naturalis , aut *Calcis* species. Hæ porrò Calces omnes quatenus plus minus-ve aut integrè *Phlogisto* orbatae , minori energia vel parva admodum donantur ; dum è contrâ ferrum nudum , ac sub forma *Chalybis* Gallicè *Acier* purissimum , *Phlogisto* omnino dives summâ energia pollet ; hînc ne ferrum organa primarum viarum vi Mechanicâ lædat , & ut suam actionem sub parva mole exerere valeat , in pulverem tenuissimum vel Pollinem aut *Alcohol* , necessariò reducendum venit , Schobis vel Limaturæ ferri aut *Chalybis* nomine insignitum ; namquè dato quod particulæ ferreæ , defectu acidorum , non solvantur in Primis viis , tunc fortè quædam istius pulveris mo-

leculæ subtilissimæ , unâ cum Chylo, sub formâ liquoris brunacei vasa lactea aut alia vicina subire valent. Ast, ut ut sit, adest saltē in hoc pulvere maxima tenuitas aut ferri divisio; undē major datur superficies quæ quidem admodum utilis. Hinc etiā liquet ferrum *in substantia*, solum, id est absquē ullo correctivo vel contemperante, nisi ventriculis robustioribus vel duris illis tutō præberi posse, præsertim si acida nulla sint in Primis viis. Varias idcirco Combinationes vel cum acidis vel cum salinis substantiis, ars adhibere novit, vel alias quasdam ferri Præparationes, ut ita dicam, Mechanicas suppeditare, idque eò majori emolumento, quod in plurimis ex hisce Combinationibus aut præparationibus, datur divisio perfecta seu Chymica ferri, & in omnibus maxima hujusce metalli energia vel debite contemperetur, vel ad usquē optatum gradum infringatur.

Sic igitur variæ martis Combinationes aut Præparationes, cū in officinis prostant tū in Dispensatoriis notantur, hæcque vel sub solida vel sub fluida forma. Harumce porro præcipuæ ac vulgarissimæ sunt, præter limaturam ferri & Crocos martis communes, Crocus Antimoniatus *Stahlit* summâ divisione pollens, Æthiops Martialis *Lemerii* multo *Phlogisto* prægnans, salia martis ut putà vitriolum viride pauxillō Cupri plerumquē alteratum, sal Martis *Riverii*, Tartarus Chalybeatus, Flores ammoniaci seu Mars Diaphoreticus aut ens Martis, tincturæ variæ acidæ ut tinctura Martis muriatica, pomata, Cydoniata & alia hujusmodi, Tinctura Martis sic dicta *Tartarifata*, quæ igne plus minùs-ve concentrata, nunc syrapi nunc extracti Martis nomen induit, Tincturæ spirituosæ ut tinctura *Ludowici*, tinctura *Mynsichti*, Mars saccharatus, tinctura alcalina *Sthalii*, &c. &c. Vidimus enim (in limine) ferrum esse omni-

bus acidis & aquâ solubile , vel cum plerisque salinis substantiis connubium innuere ; imò & , si fides Clariss. *Navier* , cum Mercurio ; undè Mercurius quidam Chalybeatus qui tamen prò Sale Neutro ex ferro & mercurio chymicè solutis & combinatis minimè habendus est , quamvis Mercurius inibi paululùm cicuratus videatur. De variis autèm harumce Præparationum Encheiresibus , satis superquè Edocti estis à Clariss. Professore qui Lectionibus Chemicis annuis tantâ Doctrinâ tantâque diligentia præsidet.

Martialia in genere parvâ Dosi exhibenda sunt , quatenus scilicet vim vitalem excitant , adaugent , & vitanda utiquè sit corroboratio , adstrictio nimis celerior , promptior , ut sapienter mōnet Eruditiss. *Cullenus*. Sic ideò Crocorum Martialium , & Æthiopis Martialis præ cæteris admodùm commendabilis , Dosis ad grana quatuor , quinque vel sex ad summum , devehatur ; Tincturæ verò Martiales ad drachmam unam aut alteram exhiberi queunt. De cæterò , in omnibus compositis Martialibus , considerata potissimùm , 1°. Major aut minor Concentratio vel saturatio dùm liquida sunt. 2°. Major aut minor *Phlogisti* , vel ferri combinati aut soluti quantitas , undè compositum plus minùs-ve Martiale exsurgit ; sic v. g. , Tinctura alcalina *Sthalii* , sub hoc ultimo respectu , ad guttas tantùm præscribenda est ; 3°. Ingredientium qualitas , indoles , ut sal Ammoniacum in Marte Diaphoretico prædominans ; 4°. Perfectior aut imperfectior Combinatio , Mixtio ; sic in tartaro Chalybeato vulgari , ferri adest exigua quantitas , quæque vix cremori tartari adhærescit , undè ad maximam Dosim exhiberi posset sal istud , ni cautè propinandus esset Cremor tartari , quoties adest ventriculi Debilitas , quæ Mineram Acidi plus minus-ve insignem plerumquè arguit & fovet.

Quod verò ad modum exhibendi Martialia pertinet, solida ut nempè falia, limaturæ, croci, vulgò sub forma boli, Electuarii, aliorumque exhibentur, videlicèt cum aliis remediis nupta, vel cum excipientibus idoneis ut Conservæ, Condita, vinum aut simplex aut ex optimis aromaticis medicatum &c., quibus omnibus indicationes varias adimpleri curant Practici; quo-circà animadvertere incumbit, 1^o. quod floribus ammoniacis seù ente martis, cum Rhabarbaro in Rachitide à *Celeb. Zeviani* feliciter adhibitis, minimè, quoad indolem Chalybeatam, Ens Veneris æquiparandum esse, ut censet *Boerhavius*, quò fortè etiàm erravit *Clar. James* in suo Novo Dispensatorio, Anglico idiomate conscripto; si quidèm Ens Veneris *Boylei*, reverà cupreum esse demonstrat *Illustr. Culle-nus* (1). 2^o. quod tartarus chalybeatus usitatissimâ, sed toties à Sagacissimo *Venelio* Damnata Methodô, in Brodio propinetur; undè ferrô præcipitatô vel sui juris factô, dantur Brodia Nigra, cum rectius utiquè in pauxillo vini aut aquæ, antè Brodii assumptionem, exhiberetur; quod idem de Salibus aliis Chalybeatis tartarifatis, dictum volumus.

Croci seù calces Martiales, etiàm absolutæ, solutionem quamdam in primis viis patiuntur, ut perhibetur colore nigro quò fæces, sub usu crocorum Martialium, inficiuntur, ut solerter Annotat *Venelius*, quod deindè adversùs *Celeb. Rouelle* natu majorem animadvertit *Clar. Baumé*.

Ast nunc fortasse Quæritis, PHILIAT. AMANT,, utrùm ferrum secundas vias unâ cum chylo reapse ingredi constet, ut censent quam-plurimi? jam illud contingere posse, superiùs innuimus; interim de hoc, sequens duataxat novi experimentum in

Actis Londinensibus consignatum. Clariss. Doctor *Whright* molôssô jam à 36â. hora impasto, deglutendam dedit Offam lacteam, cum solutione aquea unciae unius ac dimidiæ falis martis per filtrum trajecta, mixtam. Horâ integrâ elapsâ, canem aperuit & è Ductu Thoracico unciam dimidiam chyli diligenter excepit, qui, affusâ tincturâ Nucis Gallæ, ne minimam quidem in colore mutationem exhibuit, cum soluta in hoc ipsomet chylo falis martis quarta tantum parte grani, liquor, eadem affusione Tincturæ Nucis Gallæ, colore intensè purpureo tinctus tunc temporis prodierit. An exindè concludendum, nullas ferri particulas tenuissimas vasa lactea unquam subire? minimè quidem, sed colligere utiquè est ferrum vim suam maximam in organa Primarum viarum, præcipuè in ventriculum, exerere; quæ actio, consensu maximo ventriculi cum cæteris corporis partibus, in eas omnes irradiatur diffunditur, Robur vitale ac proindè Robur Physicum ubiquè adaugens. Sic Puellæ nonnullæ Chloroticæ Solâ deambulatione, animi delectatione, Rusticatione, aliisque oblectamentis quibus exsuscitatur variorum organorum, præ cæteris ventriculi, *tonus Essentialis*, sanitati omninò restituantur.

Lîmatura ferri quatenus vim tonicam Roborantem exerens, tanquàm efficacissimum *Anthelminticum* à Celeberr. *Rosen* & *Tiffot* valdè prædictum, Puerulis exhibetur. Non aliter vitriolum martis cum aliis anthelminticis & melle, ad formam Electuarii combinatum, in maximo usu est apud nonnullos.

Martialium usui purgantia præmittenda, ut scilicèt Primæ viæ ab omni *Saburra* mucosa, & indigestibili materia liberæ sint; quin etiàm interdum, in nonnullis casibus, Cathartica interpolanda sunt, nimirum dum calces Martiales seu croci

croci propinantur , ne Defectu acidorum in Primis viis , vel usu horumce remediorum diutius continuato , præsertim apud infantes , hisce veluti farcina quadam molesta gravetur ventriculus , quod sedulò notandum ; licet huic methodo adversetur sententia Optimi *Sydenhamii* qui Cathartica, sub usu Chalybeatorum , longè nimis reformidare videtur (1). Deniquè tandèm his addantur , victus conveniens , exercitium leve , frictiones , vectiones in Rheda , cæteraque hujusmodi quæ in morbis à Cachexia vel debilitate oriundis conveniunt.

f1j De affect. Hyster. pag. 145.



PRÆLECTIO SEPTIMA.

*De Aquarum Mineralium Martialium
Natura.*

QUEMADMODUM in omnibus Disciplinis humanis, vagas, confusas & *individuales* Notiones componere, simplificare utile est, sic in prægressa Prælectione, diversas, inò & inter se pugnantes, ferro adscriptas qualitates, ad virtutem *Tonicam* seu Roborantem revocandas esse duximus. Deindè, præmissis nonnullis Phythologicis Theorematis, nempè de Robore physico & vitali partium in corpore vivo, exin Indicationes & Contra-indicationes generales, ad Normam *Methodicorum*, in usu Medico ferri adhiberi posse observabamus. Tandèm indigitatis variis Martis præparationibus usitatissimis, Exhibendi modum, Cautelas in hac exhibitione requisitas &c. exposuimus. Nunc verò proximum est, ut in hodierna Prælectione, juxtà scilicet impositum dicendi ordinem, *Aquas Minerales Martiales* scrutemur, paucis adjectis de usu Medico externo ferri, quibus Quæstio proposita de Remediis Chalybeatis, quadantenùs absolvatur.

Sed dùm de *Aquis Mineralibus* sermo habendus est, PHILIATRI AMANT., hòc vel ipso appellatò Nomine, Illustriss. *Venelii* honorabilis utiquè Memoria animis Audientium occurrit, meritum honorum Obsequium à quocumque dicturo repetens. Et meherculè, quis unquàm Laude Dignior ipsò? De hoc profectò mihi nemine vestrum abnuitor, PHIL. CARISS., qui Medicinæ Professore in hac ipsamèt cathedra fulminantem, tonantem,

splendidissimorum dogmatum & gravissimarum sententiarum flumina effundentem; novistis: Sed ut taceam quæ circa Medicinam docuit, quæ scripsit *Venelius*, & in quibus ejus spirat imago, de Chemista tantum loquar. Deum immortalem! quâ copiâ Argumentorum, quantô orationis impetu fregit ac dissipavit illas theoriuncularum aut Præjudiciorum copias, quæ arti etiâ legitimæ turpiter illudebant! quænam in *Principiis* corporum evolvendis, in rebus omnibus æstimandis certoque definiendis judicio, sagacissimæ mentis Solertia! quisnam in exponendis eloquii Nitor efficax! quid Plura? Primus ille Chemiæ Philosophicæ *Sthalii* & Aquarum Mineralium sacra nobis aperuit, tanquàm Myſtagogus alter extentô ævo Colendissimus ac Æmulandus... Ignoscite AUDITORES, quod tanti Viri aliquod suscipere Laudum Commemorationem ausus sim; Publicum ac perexiguum istud virtutis Amici & Præceptoris testimonium, opportunâ occasione datâ, tribuere cogeant *Venelii* in me merita; cogeant cæteri animi affectus quos per annos viginti & ultrâ, ab eo ipsomet suscepi, Combibi, illius societatis beneficæ nusquam immemor.... *Manibus dabo lilia plenis, purpureos spargam flores, & fungar inani munere.*

Hoc unum restabat afflicti ac penè prostrati Clinicorum & Chymicorum animis, ut inveniretur homo qui Mœrorem ex *Venelii* morte conceptum sedare posset, &, longô usu rerum Medicarum & Chemicarum, aptissimus esset ad perficiendum Præstantissimum de Aquis Mineralibus opus, quod properâ hujus morte imperfectum atquè incôhatum permanerat. Atqui homo ille in hoc amplius *Ludovico* Medico hic est, hic adest, præclaris Doctrinæ & animi dotibus admodum Commendabilis, à quo etiâ plura in

decursu Prælectionis mutuari juvat, qualia jam à pluribus annis in *Encyclopædia*, nempe ex illius opere eximio de *Natura & usu Aquarum mineralium*, ferè ad verbum transtulimus. Quam igitur aquas *Martiales* expendendi viam, mihi isti Chemiæ Medicæ Antistites aperuere, eam sequar & eorum vestigiis, quantum vires meæ ferent, insistam.

Aquæ Minerales *Martiales* dicuntur illæ quæ vel terræ ferruginosæ, vel etiâ Principii cujusdam Martialis solutione aut imprægnatione, ditantur, quamvis aliundè salibus diversis ac terreis quibusdam substantiis plus minùs-ve inertibus, donari valeant. Harumce Aquarum prætereà pleræque frigidaë sunt, ac plus aut minùs *Spirituosæ* seu *Aëreæ* observantur, id est Principio quodam aëreo, elastico, valdè diffusibili fœtæ, quod, bullulis fursùm ad superficiem aquarum cum leni strepitu erumpentibus, sui indicia præbet; sed de hoc inferiùs.

Interim, Aquæ Martiales quæ exiguam præfatæ substantiæ aëreæ partem continent, sapore quodam Vitriolico donantur; aliæ verò queis multa inest hujusce Principii Aërei copia, præter saporem Vitriolicum, quidpiàm aliud penetrans & gratè vellicans Palato præbent, quale in vinis fumosis aut spumescentibus Campaniæ, nec-non in Pomato vel Cerevisia comperitur.

Ferrum in aquis delitescere dignoscitur non ex sapore tantùm, sed etiâ colore intensè purpureo, violaceo, brunaceo ad Nigredinem plus minus-ve accedente, quò, affusâ, juxtà vulgatissimum experimentum, tinctura Nucis Gallæ, vel inspersô hujus-ce Nucis aut Balaustiorum pulvere, mox inficiuntur suffunduntur aquæ. Curandum tamen, ut in aquis recens è fonte haustis, instituatur Experimentum; in plerisque enim aquis Martialibus, morâ etiâ mediocri vel solò contactu aëris

liberi, ferrum præcipitatur; undè tunc, ex adhibitione Nucis Gallæ, ferri præsentiam detegere frustra contenderes. Monendum insupèr, 1^o. Quod Acidum Vitrioli, in non-nullis aquis martialibus Vitriolicis superabundans, superfluum, ac evolutum, præcipitationi terræ ferruginosæ obstistat vel illam arceat, ut conjicit plurimis experimentis suffultus Clariss. *Nicolaus Andria* Neapolitanus, in suo novo opere (1); undè tinctura Nucis Gallæ affusa, nequit ullam in illis aquis nigredinem movere; quod si Neutralisatio hujus-ce acidi superflui obtineatur, nempe instillatò ad usquè saturationem oleò Tartari per Deliquium, tunc prodit color Niger ex affusione tincturæ Nucis Gallæ, terrâ ferruginosâ sui juris factâ. 2^o. Quod solutio argenti per acidum Nitrosum, quamdam opacitatem, quid turbidum aquis nonnullis Vitriolicis Martialibus inducat, & Argentum ipsummet sub forma metallica præcipitetur; quod Phænomenum vitrioli præsentiam in aquis prædictis, juxtà Laudatum *Andria*, arguit, pendetque à basi illius falis, quæ, mediante parte aliquâ *Phlogisti* inhærescentis, & majori cum acido Nitri affinitate, argentum sub formâ metalli præcipitare capax est.

(2) Ferrum in nonnullis Aquis suspensum degens, præter signa Acidi cujusdam (Vitriolici profectò) quæ tunc temporis produnt, cremore vel pelliculâ quadam, colore iridis donatâ & aquis supernatante indicatur; quod de Aqua dicta de *Loka*, jam animadverterat *Wallerius*. Hæc porrò Aqua præter Principium Vitriolicum & spirituosum, quidquam amplius bituminosum continet. An bituminosum

11) *Trattato Delle Acque Minerali, &c. in Napoli, 1775.*
 12) In opere jam citato.

illud in colorem prædictum (vulgò *Gorge de Pigeon*) pelliculæ supernatantis influat ? Tandem tutiori evaporationis viâ , quæ latent in Aquis Principia Martialia manifestantur.

Jàm verò Multiplices recensentur aut recenferi queunt Aquarum Martialium species ; 1^o, Aliæ sunt quibus ferrum sub forma vitrioli martis , constanti ac durabili nexu suspensum inest. Inter hæc annumerantur Aquæ Clar. *Calsabigi* , Aquæ Fontis Vallengis dicti *de la Dominique* , Aqua è fonte quodam in Agro Allefienfi scaturiens juxtà Illustriss. *De Sauvages* (3) , cæteraque passim in Gallia aut in Europa emicantes.

2^o. Aliæ quæ ferrum continent tam levi tam debili vinculo pendens , ut minimo caloris gradu vel solo contactu aëris liberi præcipitetur , ut jàm observavimus , quales sunt Aquæ Pyrmontanæ , Spadanæ , Forgeenses , Vallenges , Camarescenses , cæteræque id genus.

3^o. Deniquè , ferrum sub Ochra vel Calcis Martialis specie , in aquis ferruginosis contineri , suspendi valet , ut notat Clariss. *Monet* , & de Aqua *Lucullana* in Agro Neapolitano observat Celeberr. *Andria* ; potest etiàm ferrum cum nonnullis salibus , ut putà Alkali seu Natro , sulphure aliisque , combinatum in aquis existere , quod de Aquis *Freyenwaldensibus* & *Radebergensibus* in Suecia scaturientibus , animadvertit *Wallerius*. Hæ porrò omnes Martiales aquæ tum ferri , tum salium ac terrearum substantiarum majori vel minori copiâ , tum etiàm harumce substantiarum Naturâ , indole , plus minus-ve inter se discrepant ; Licet tamen per Aquas Martiales , hîc tantummodò intelligendæ

sij Vid. quod de his retulimus in Encyclopediâ ad verbum *Minerales* (*Eaux*).

sint illæ, in quibus ferrum præ aliis Principiis dominatur.

Ferrum quamvis ex sua Natura in aquis solubile, adeò ut sola vel simplici immersione diurnâ, Aquæ Martiales factitiæ, præparari queant, nihilominus plenius aut rectius unquam in aquis, nisi quatenus spirituosus, ferrum dissolvi aut suspendi videtur. An igitur substantia aërea in Aquis Martialibus exsuperans, habenda est tanquàm ferri menstruum aut vinculum? Rem ita fieri existimat Clariss. Profess. *Broussonet* (1), cujus sententiam confirmatam habemus à Celeb. Doct. Anglo *Lane & Rouelle* natu minore, qui in conficiendis aquis Martialibus, ferrum in aqua facilius solvi, nimirum præviâ ex aëre saturatione, experti sunt. Hæc eadem experimenta, parique successu, iteravit Eruditiss. *J. Ludovicus Targioni* qui insuper opè istius præviæ imprægnationis aëreæ, aquam martialem unâ simul & sulphuream præparare novit, Methodum Celeberrim. *Priestley* cum Methodo Clariss. Profess. *Le Roy*, in illa operatione copulans (2). Sic etiâ Clariss. *Andria* aërem menstruum esse Mineralium quæ in aquis plùs minùs-ve suspensa retinentur, contendit, imò & horumce mineralium ope, aërem formam salinam induere existimat (*loco citato*); sic Clar. *De Presseux* observavit quod ignis calore, spiritus aëreus ex aquis spirituosus eructabatur, sub forma bullularum in sublimè salientium prodiens, ac pari passu ferrum

11. Vid. *Thes. pro Reg. Cathedr. vacante.*

12. *Raccolta Di Opuscoli Medice-Prat. vol. III.* Processus autem iste simplex & facilis admodum est; sex libris aquæ aëre multò impregnatæ, affundantur drachma una florum sulphuris, & drachma altera limaturæ ferri; dein lagena ritè obturata, per triduum in cella frigida reponatur.

sub specie floccorum *ochraceorum* aut flavorum, præcipitari. His addendum, ferrum in aquis solutum, eò diutius vel constantius inibi suspensum remanere, quo major est substantiæ aëreæ exsuperantis copia, ut in aquis eminenter spirituosus observavit Clariss. *Monet*.

Atqui facili ac ingeniosa admodum neminique hodiè ignota Encheyresi, aquas Principio aëreo multum saturari edocuit *Venelius*, qui insuper saporem acidulum, Palatum gratè vellicantem, aliasque aquarum spirituosarum dotes, ex isto Principio, quod Aërem Elasticum purissimum pronunciat, repetendas esse demonstrat; sic vetustissimum ac receptissimum errorem, circa causam saporis acidi in aquis aëreis, stirpitùs evellens, discutiens. Non aliter præ cæteris jam laudati *Andria & Targioni*, aërem illum purum in plurimis aquis existere, compertum variis experimentis habuere. Celeberr. *Targioni* præsertim coram cœtu Academico Medicorum Florentiæ demonstravit, aëre istò, cuius rumor à nonnullis annis in Europa, sub nomine *aëris fixati*, adeò ingens, colorem vel tincturæ violarum, vel chartæ emporeticæ cæruleæ nil admodum alterari, nullamque in oleo tartari per Deliquium effervescentiam excitari; tandèm huic aëri, saporem acidum aquis sic dictis spirituosus conciliari, sive ex lapide calcareo, sive ex fermentatione pastæ farinacæ, sive etiàm ex putrefactione substantiarum animalium, aer iste obtineatur (licet in istis Experimentis, aërem trans pannum laneum (vulgò *Flanelle*) madefactum, filtrari quodammodo curaret Autor) nec-non substantiâ aëreâ solutionem ferri in aquis multum adjuvari (1).

Porro adfunt præter *Venelianam* methodum ; aliæ nonnullæ Encheyreses , imò & machinæ nuper effictæ , quibus aquæ aëre multum impregnari valent ; tales sunt præ cæteris machinæ à Celeberr. *Priestley* , *Targioni* , & Doctore *Nooth* adhibitæ. Hâc viâ facili , aquæ spiritu aëreo turgidæ , acidum saporem induunt , non secus ac vidimus metalla quædam vel etiâ calces metallicas , *Phlogisto* saturari quô illorum color , indoles , virtus non parum alterantur (1).

Interea tamen , licet Egregium ac Præstantissimum hocce *Venelii* detectum , ferè ubiquè in Europa , concordibus suffragiis & experimentis comprobatum aut confirmatum sit , nequè reticere , nequè dissimulare possum , eximium istum Chemistam intemperantiùs fortè dicere , dùm quarumlibet aquarum Mineralium hujusce generis spiritum , hoc solò aëre puro , Elastico constare , asserit. Etenim , Clariss. Doctor *Seip* è residuo sicco distillationis aquarum Pyrmontanarum , vaporem quemdam sulphureum exhalari monet. Prætereà accuratissimis plurimisque Experimentis demonstrat Clar. *Andria* , præter aërem purum , alium quemdam spiritum in aquis nonnullis , etiâ summè spirituosus , contineri. Sic , ait ille , in Aquâ sulphurêâ *Di Pizzosalcone* , spiritus aëreus , unâ cum vapore quodam sulphuris tenuissimo , commiscetur ; & *Aqua Ferrata Lucullana* , Principiùm aëreum vapore quodam vitriolico subtili , etiâ deturpatur ; quin imò si distilletur ista , vapor quidam

si Illud subodorasse videtur *Seneca* dùm ait ; at quare aquis sapor varius ? propter quatuor causas. Ex solo prima est , per quod feruntur. Secunda ex eadem similitudine ejus nascitur. Tertia ex spiritu qui in aquam transfiguratus est , &c. (*Natur. quæst. lib. III.*)

Mephiticus flammam Candellæ extinguetis & catulos enecans, prægressô aëre puro, emittitur. Addam, quod aqua spirituosa Gabianensis propè Fontem Petroleum in Agro Bitterrensi scaturiens, aërem Elasticum, vapore mephiticô notabili deturpatum, spontè eructet, ut ipsemet sum expertus. Tandem Clariss. *Zuccagni* ex aqua dicta *di Bagnolino*, propè Florentiam emicante, aërem quemdam inflammabilem elicuisse nuper vulgavit, testis ocularis *Targioni* (1). Undè, ut videtis, multiplex est spiritus ex aquis sic dictis aëreis prodiens, & non adeò illi culpandi sunt (saltèm sub hoc respectu) qui fluidum quoddam incoercibile, in aquis hospitare, nuperrimè scripserunt; quamvis tamen inconcussum stet *Venelii* detectum, sic ad mentem Clariss. *Andria* temperatum.

Nunc verò de Usu medico aquarum Martialium dicendum foret; sed de hocce opportuniùs in proxima Prælectione.

si; Vid. *Raccolta*, &c.



PRÆLECTIO OCTAVA.

*De Ufu Medico Aquarum Mineralium
Martialium.*

EXPLANATA quàm potui diligentissimè, in ultimâ Prælectione, Aquarum Màrtialium naturâ, variisque earum speciebus, restat ut in hodierno sermone, illarum usum Medicum exponamus, præmissis etiâ nonnullis de illarum actione: etenim huicce expositioni, disquisitiones circâ Aquarum naturam, essentiam, imò & agendi modum, ad rectiorem dicendi Normam, præcurrere necessum est; *alterius sic altera poscit opem res, & conjurat amicè.*

Aquæ Martiales vel aqueo principio chylum diluere valent, vel suo pondere aut mole (dùm affatim bibuntur) motum peristalticum intestinorum adaugere, ac proindè catharsim apud nonnullos ciere, præsertim dùm sale marino, basi terreâ prædicto, aut alio sale quocumque cathartico distantur. Sic etiâ diuresim non rarò movent Aquæ Martiales, aut virtutem sic dictam *Fundentem* exerunt, nimirum ope salium alcalinæ indolis quæ in plurimis reperiuntur. Verùm actio in aquis hujusce profapiæ insignior, ex ferro potissimum repetenda venit; undè virtus Tonica Roborans, & aliæ hinc emergentes qualitates, Aquis Martialibus assignantur. Non aliter velut Anthelminticæ habentur illæ apud nonnullos; quamquàm huicce virtuti aërem multum conferre asserat Clariss. *Targioni*; undè, in his casibus Martiales *Aëreæ* præ cæteris adhibendæ. Compertum enim habuit laudatus vir, aërem sic dictum *fixatum* in aquis contentum,

licet purissimum, respirationi noxium esse ac vermibus infensissimum (1).

Hæc autem virtus eò præstantior observatur, quòd, datâ minimâ ferri vel Principii Martialis quantitate, major aut dilutior est hujusce Principii Dissolutio. Pulchrè enim monet Illustr. *Cullenus* (2), Aquis multò ferrò prægnantibus, rarò felices adeò successus obtineri, ac fit cum aquis mineralibus quæ Principio Martiali levissimè impregnantur. Hinc patet aquas hæc postremas aliis præponendi ratio, necessitas.

Aquæ Martiales in genere præscribendæ veniunt, ut & quæcumque alia Martialia, in morbis à laxitate vel debilitate pendentibus, nempe in Anorexia, Dyspepsia, Affectione melancholica, Hypochondriaca, in nonnullis morbis hepatis, fluore albo aliisque fluxibus chronicis, aut cachecticis affectibus, in Hysteria ubi non semel ex *Sydenhamii* monito præstantes effectus edunt, cum malo vincendo Chalybs, ob sanguinem valdè effæctum tantamque proindè spirituum *Ataxiam*, par non sit (3), in quibusdam morbis Chronicis vesicæ, undè Aquæ ferratæ *Vesicariæ* dictæ, à veteribus adeò decantatæ, cæterisque.

§1j Aquas Thermales adversus vermes conducere, jam notaverat Celeberr. *Cocchi* (*Dei Bagni de Pisa*); de virtute anthelminticâ ferri nemine hodiè ambigitur; sed mirum fortasse aërem purissimum aquarum *Spirituosarum*, vel *aerem fixatum*, dum nec acidi, nec alcalini, nec sulphurei, nec mephitici nec alii cujuslibet Principii notas exhibet, attamen respirationi animalium multum nocere. Phænomenon istud à nimia illius aëris Elementarii, & ut ingeniosè ab Illustriss. *de Bordeu* dictum est *Vierge*, sinceritate, pendere, lubens crederem. Aër enim *elaboratus* solus respirabilis.

§2j *Lectures on the Mater. Med.*

§3j *De affect. Hysterica*, Dissert. Epistol.

In hisce autem præscribendis aquis, quò rite vel plenissimè indicationes adimpleantur, considerata utiquè est salium natura, indoles, quibus, præter ferrum, aquas istas impregnari vidimus: non aliter ex iis quæ tùm circa expeditissimam ferri præcipitationem in *Martialibus*, tùm etiàm circa promptam Principii aërei Avolutionem in *Spirituosis*, observabamus, colligere pronum est Aquas Martiales in ipsomet fonte, quantum fieri, potest assumendas esse; vel saltèm in lagenis collò longo & angusto instructis transvehendas, nec-non frigidas, ut plurimùm, esse epotandas, aut Balneo mariæ ad teporem tautùm calefactas; licet apud Clariss. *Andria* nonnullæ memorentur Aquæ spirituosæ, etiàm thermales, quæ substantiam aëream, ac proindè ferrum suspensum, diù fatis retinere valent.

Circà cautelas Practicas in usu Aquarum Martialium observandas, hùc pariter revocanda sunt quæcumque de usu Medico ferri vobis protulimus. Sic ideò cum aquis martialibus cautè mercandum, dùm agitur de temperamentis delicatulis, *Strictò* laborantibus, aut de aliis quibus malè affectum est pectus. Hocce remedio abstineant, præ cæteris Hæmophthoïci, temperie ficcâ donati, & alii quicumque apud quos tumor aliquis confirmatus, vel schirrodeus, in visceribus latet. Aquæ spirituosæ itidèm vertiginosis Noxiæ.

Hinc etiàm maximè respiciendum, 1^o. ad Principium Aëreum quò caput tentari, nec-non ventriculum & intestina valdè distendi, non semel visum est; ad terream, crassam, inertem, substantiam quæ turgent nonnullæ Martiales aquæ, quæque ventriculum apud nonnullos ægrotantes molestè gravare potest; quibus omnibus iterùm evincitur, quantum in aquis Martialibus exhibendis, harumce dignotio chemica conferat, præstet.

Nunc verò ex dictis facile determinanda venit; Aquarum Martialium dosis conveniens. In genere, Martiales Aquæ, dosi mediocri delicatulis propinentur, nimirum ad Cyathos aliquot tantum in die, per septimanas vel etiam per menses continuandæ, imò & in Prandio potandæ, modò tamen sint debiles aut leves ut decet. Apud Robustiores autem, dosis ad libras aliquot in die, sensim devehatur. De cæterò, aquarum Martialium usui, non secus ac usui ferri, præmittenda sunt cathartica, ut & juscula nonnulla Temperantia, Aperientia, &c. Commendanda etiam exercitatio mediocris, lenis deambulatio, cæteraque animi oblectamenta quæ in usu Medico ferri conveniunt; siquidem Aquæ Martiales, tanquam *Ferrum Liquidum*, ut verbis *Sydenhamii* utar, haberi possunt.

Quod ad Aquas Acido-Vitriolicas speciatim pertinet, quales sunt Calsabigianæ & aliæ nonnullæ, Aquæ istæ in Gonorrhæarum Venerearum reliquiis præsertim, & quibusdam aliis morbis à laxitate nimia, debellandis, quam-idoneæ sunt, ut notant Celeberr. *Venel* & *Bayen*. Sic etiam Aqua Acido-Vitriolica & Spirituosa *di Pisciarelli*, in Agro Puteolano, vel mera, vel lacte decenter diluta, temperata, in fluxibus Dysentericis, Hepaticis & aliis, in Hæmorrhoidibus retropulsis, imò & quandoquæ in Hæmophysi recenti, præmissis scilicet Phlebotomiâ & refrigerantibus, in nonnullis abscessibus & ulceribus internis, cæterisque feliciter præscribitur (*Andria*). Aquam autem istam, ut illud notetur per transennam, summè acidam esse, ex plurimis Experimentis asserit mox laudatus Italus; ità ut ex terra ipsamet agri quem fons præfatus irrigat, oleum vitrioli, ope distillationis elici queat, aut etiam spiritus vini aquæ istæ affusus, odorem gratissimum fragrantissimum

eructet, & ex illius connubio saporem Aquæ Rabbellianæ induat. Undè videtis nonnullos inconsultè nimis asseruisse, nullam aquam mineralem verè acidam existere.

De methodo aquas Martiales privatim imitandi, pauca, ut fert angustia temporis. Ferrum aqua solubile diximus (Vid. *Prælect. de Usu Med. Ferri*); hinc igitur solâ immersione ferri, aqua ferrata seu Martialis quotidie præparatur, *quod cuipiam liquidò constabit, si aquæ communis Congiis aliquot, satis magnam vim Clavorum Veterum ex Calceis equinis extractorum, infuderit* (1). Plures aliæ dantur methodi apud Autores, aquas *Martiales* imitandi, præviâ scilicet impregnatione ex aëre; ast sequentem duntaxat quæ est Clariss. *Pringlii*, referre juvat; nimirum octo vel decem guttæ tincturæ martis ex spiritu salis marini, pintæ aquæ aëreæ infundantur, & erit aqua *Pyrmontanæ* omninò similis (2).

Quoad usum medicum externum tum ferri, tum aquarum Martialium, ferrum sub forma vel Emplastri, vel Balsami, vel pilæ aut boli, Adstringendi vel Roborandi causâ ad extus adhibetur. Inter hæc præparata eminent Emplastrum *Opodeltoch*, Balsamus Chalybeatus, Bolus Martis Nanceii, & alia id genus. Huc veniunt Luta aquarum, Balnea nonnulla terræ multigeneris Principiò quodam Martiali ditatæ, ab *Stratone* prædicata. Prætereâ, ut nemini ignotum est, Liquores Stiptici plurimi, à ferro seu vitriolo Martis, præcipuam virtutem mutuuntur.

f1) Sydenham. loco citato. etiam vid. apud Clariss. *Monet*.

f2) In hisce aquis factitiis præparandis, ferrum adhibent Clariss. *Lane & Rouelle*; sed postremus iste minerâ ferri è genere lapidis dicti *d'Aigle* utitur.

Tandem , Aquæ Martiales tum nativæ tum factitiæ , Duciarum , irrigationum , fomentorum & injectionum formâ , eodem roborandi scopô , quotidie adhibentur. Aqua di *Pisciarelli* ad Coluendum os Scorbuticorum , tanquàm remedium præstantissimum , à Clariss. *Andriâ* valdè commendatur. Aqua Martialis ex alto in partem convexam auris guttatim cadens , surditates nonnullas dispulit. Eâdem instillatione aquarum vulgò *de Passy* , surditas multum allevabatur apud Anatomicorum olim facile Principem *Winslowium*. &c.

Hæc de Ufu Medico Ferri & Aquarum Martialium.



PRÆLECTIO NONA.

De Antisepticiis propriè dictis.

ANTISEPTICA juxtâ vim vocis , dicuntur remedia quæ Putredini adversantur ; id est quæ Putredinem in corpore vivo nec-non composito , organisato , vel corrigere , vel dispellere discutere valent. Atqui Putredo consistit in dissolutione seu perversione intimâ mixtionis vel crasis solidorum aut fluidorum , nempe horumce partium integritatum , quæ proindè in partes elementares resolvuntur , vel novas subeunt combinationes. Hæc autem resolutio , mediante motu quodam intestino , seu fermentatione sic dicta *Putrida* , efficitur , quæ velut specimen quoddam chemicæ analyseos substantiæ animalis , in hocce corpore præbet.

Diximus in limine , Putredinem hic tantum in corpore vivo considerari ; quod quidem arguit affectionem quamdam gravissimam Principii vitæ , accedente putredine , dari necessario , ut putâ hujusce Principii debilitatem aut vim immodicam , vel hujusce obscurationem , aut suffocationem modò imminentem , modò verò perfectam , absolutam ; absquè illa enim affectione , nulla contingere valet putredo essentialis , realis ; quod minimè attendisse videntur plerique Autores : undè rursus Putredo , in aliquo sensu dici posset , vel obscuratio vel indignatio notabilis Principii vitæ , solidis aut fluidis adveniens , quâ datâ , horumce molecule vinculo *compositi* antea compressæ , vinctæ , fiunt sui juris , & exin propensione quâdam nativâ , insitâ , in resolutionem aut

plenam vinculorum *compositi* abruptionem, nempe in fermentationem putridam ruunt sese præcipientes; hinc etiã liquet, primum putredinis gradum consistere, in laxitate nimia cohæfionis molecularum in solidis, ac vitalitatis debilitate, quã tonus quem *Essentialem* vocavimus (Vid. *Quæst. de Uſu Med. Ferri.*) peſſundatur.

Hanc porro fermentationem, in animali per quam-facilem occurrere, innuunt, 1^o, Solidorum & fluidorum in corpore animali, ſubſtantia compoſita, nempe *Mucus*, illiusque natura, indoles; 2^o, Solidorum compages laxa, poroſa, humida; 3^o, Humorū crasiſ, mixtio fluxilis, levis. Atqui mucus, omnium animantium ac vegetantium materies, eſt corpus ſummè fermenteſcibile, adeò ut variæ digeſtiones, reparationes, plurimæque alia phænomena in corpore vivo & ſano ſpectabilia, veluti fermentatione quadam occultâ, moderatâ, & tanquã *vitali* partim innitantur; tametiſi obſcura accidentia cibi prioris, imò & illius vita, ut ita dicam, ſingularis aut media, ut vocat *Helmontius*, in tranſmutatione alimentorum illibata ſerventur, favente Principii animantis regimine. Quinetiã ex hac mucii indole *Catexochen* fermenteſcibili, intrâ cancellos debitos, nempe influxu Principii vitæ, coercita, nec-non ex præfatæ materiei organiſatione in animali, fortè repetenda venit partium ſolidarum ad ſentiendum & movendum aptitudo; ſic ut vita, levi quodam fermentationis adminiculô, in hiſ partibus æquè ac in humoribus foveatur, perennet. Erit igitur Putredo ſub hoc novo reſpectu conſiderata, peculiaris quidam fermentationis exceſſus, ab ipſomet fermentationis vitalis intermiſſione, ſeu *ſenſûs* irradiatione intermiſſâ, exordium habens.

Jã verò, infinitæ penè numero recenſentur Putredinis cauſæ, quarum aliæ internæ, aliæ exter-

nae , aliae generales , aliae particulares &c. ; illarum autem praecipuae , à rebus sic dictis *non Naturalibus* , proveniunt , ut v. g. à cibis pravis , animi pathematibus praecipue à mœrore , irâ quâ rabiosum virus in corpore mœx generari visum est , potu nimio , dolore , frigore aut calore humido vel immodico , (qui postremus malè quidem , quoad corporis animalis vires , à *Boerhawio* aestimatur , cum nuperrimis experimentis Celeberr. *Fordyce* in se ipsomet captis , compertum utiquè sit , maximum caloris ad 60 ferè gradum Thermometri *Reaumur.* , ab homine diù satis sustineri posse) , à contagio , aurâ venenatâ , perversâ medicatione , substantiis nonnullis deglutitis , ut opiô quo humores & solida brevi putrefacta omninò visa sunt , & aliis benè-multis ; quæ omnia , fermentorum more , agere dicuntur , cum vel fermenta sint , vel fermentorum generationi faveant. Per fermentum verò intelligunt Chemici , partes nimirum subtiliores , tenuiores , primo-mobiles , & jam quidem actuali motu , præ aliis *compositi* fermentescentis particulis , ad motum expeditiorem minùs idoneis , affectas , motumque conservationi *Compositi* congruum adæquatum , in istis pervertentes aut adaugentes ; ità ut motus peculiaris quò fermenti genus specificatur , idem omninò fermentescibili concilietur ; undè talis vel talis fermentationis species determinatur , ut patet in putredine contagiosa , canerosâ , scorbuticâ , venereâ , gangrenodeâ &c. Hinc vel tenacitate glutinosa , mucosâ , vel tenuitate colliquatoriâ , non semel Putredo insignitur &c. Postremò tandem , putredo modò fluida , modò solida singulatim adoritur ; modò etiàm , ex aliis ad alia ociùs ferius-ve transfertur , quandoquè adhuc fluida & solida simul infestans. Hæc ampliùs omnia , juxtà solidorum aut fluidorum genus , aut peculiarem indolem , aliasque circumstantias , variant ;

namquē aliam dicerēs Putredinem in musculo aut textu mucoso, aliam in tendinibus, aliam in ossē ubi nomen *Cariēi* induit, &c. Sic etiā putredo bilis, lymphæ putredine ferocior, facilior &c. Sic humores in genere ad Putredinem, solidis promiores, &c.

Plura notantur in putredine, tum interna, tum externā, phænomena; interna Putredo, graveolentiā, dejectionibus foetidis, pulsu debili, anomalo, quandoquē etiā lento, virium prostratione, meteorismo, Borborigmis, puncticulis, petechiis, aliisque cutis defœdationibus, ut & nonnullis signis in vultu & linguā conspiciundis, cæterisque plurimis vulgò manifestantur; sed de his Cordatissimorum clinicorum opera evolvite, Naturam apud ægros præsertim consulite. In externa verò putredine, medicè tantum considerata, observantur in colore cutis aut carniū, alteratio, foetor sensim accrescens acido quodam odore non semel mixtus, *sensûs* abolitio & caloris diminutio, contexturæ partis perversio; manat ichor aut sanies, accedit resolutio quæ carnes in dies depascitur, &c. Experimenta verò *in vitro* capta, nonnulla alia perhibent, qualia sunt aëris multi extricatio avolatioque, alcali volatilis evolutio &c. quæ quidē Diacrisis, sive illam natura, sive etiā ars operetur, gradatim plerumquē procedit; undē, ut videtis, minimē confundenda est *Alcalescentia* quæ ultimus est gradus putredinis, cum ipsamet putredine. Enim verò corpora putrescentia, in ipsomet dissolutionis instanti, perniciosiora, quā in peractā dissolutione, seu per alcalescentiam.

Atqui ex istis experimentis, nonnullæ Theoriæ Physico-Chemicæ circā modum agendi antisepticorum prodire, quas inter nunc multo rumore jactatur illa, quæ putredinis essentiam in extri-

catione & avolatione aëris elementarii aut, ut aiunt, *fixati* reponit, exin therapeiam consecrariam, nempe in istius aëris merâ restitutione, assignans. Verùm cuilibet attendenti in promptu erit, nihil ex illâ theoriâ, præter unicum remediũ non ignobile, ac inter *Effervescentia* annumerandum, arti proficere, sub quo respectu commendatio quædam ei sanè non deneganda; & quidem, Acidum pingue *Meyeri*, vel *Phlogiston* in scenam æquò jure adduci posset, de imperio cum aëre dimicaturum; quippè *Phlogiston*, non secus ac aër, ex particulis oleosis *Compositi*, putredinis vi, diripitur, avolat, & reparari, restitui itidè valet, nempe unctionibus seu cauteriis, aliisque Pyroticis quæ inter antiquissima & præstantissima antiseptica reponuntur, &c. Prætereà, quænam est relatio inter actionem Physicam aut Chymicam & localem, datæ cujusdam substantiæ corpori mortuo applicatæ, & affectionem in corpore vivo vel parte nundum emortuâ, ex eadem applicatâ substantiâ, susceptam? Quid, quæso, hæc actio Physica, quoad motus vitales aliaque phænomena quibus purreo è corpore vivo excutitur, idque non rarò solâ *Autocratia* Naturæ; quodquidè sedulò notari meretur.

PHILIATRI. CARISS., Medicus Naturam non in vitro, sed in ipsamet naturâ venetur, aucupet. Monendum insupèr quod pars resoluta, putrida, quæ in vitro, quoad colorem, consistentiam, odorem aliaque accidentia, restitui videtur, hæc eadem è corpore animali, vi vitæ, ocius seriùs-ve detrahatur, aut detrahenda veniet.

Missis igitur quibuscumque hisce theoriis, quæ pleræque ingeniosæ quidè, aut lepidæ, brevi admodum fulgore vicissim praxi illuxerè, antiseptica nobis sint illa quæ, qualitate quadam occultâ, occulti pariter nobis Principii vitæ, præsentem

affectionem immutant, id est quæ affectionem istam in solidis ac fluidis putredine tactis, emendant, discutunt, videlicet Principium illud *sensificum* vel corroborando, vel excitando vel demulcendo, adeò ut solidorum aut fluidorum textura, mixtio, crasis, pari passu exin paulatim restituantur, ut in sequenti Prælectione ulterius explanabitur.



PRÆLECTIO DECIMA.

De Antisepticiis propriè dictis.

VIDIMUS in ultimâ Prælectione , Putredinem Medicè spectatam consistere essentialiter, nempe in gravissimo quodam Principii vitæ affectu, quo mucosæ quælibet solidorum aut fluidorum molis moleculæ , sui juris factæ , è fermentatione vitali , in fermentationem putridam , (propensione quadam nativâ , insitâ) prorumpunt , conjiciuntur ; quâ præeunte Doctrinâ Philosophicâ , veluti per *instantiam crucis* , facile constat interpretatio Naturæ , in æstimandâ scilicet Antisepticorum virtute. Deindè causas multigenas Putredinis atque hujusce tùm internæ , tùm externæ Phænomena , indicavimus. Tandem actionem Antisepticorum , in prædicto Corporis vivi affectu immutando , potissimum impendi observabamus ; quibus omnibus filô brevi hætenus delineatis , reliqua hujusce gravissimæ quæstionis , in hodiernâ Prælectione , aggrediamur.

Antisepticorum igitur actio præcipuè , ut vidimus , in instaurando *sensûs* Exercitio , vel illius existendi modò naturali , consistit : verum hæc actio regi etiâ videtur tùm qualitate seu genere peculiari fermenti , tùm modo seu gradu affectionis in Principio vitæ , tùm specie visceris affecti , climatis , ætatis , temperamenti , tùm putredinis stadio , aliisque circumstantiis benè-multis jam in prægressa Prælectione indicatis , quibus accommodandæ sunt indicationes , & merè variantur Antisepticorum effectus ; itâ ut quæ vulgò pro *Septicis* habentur , quandoquè Antiseptica pro-

dant, & vice versâ; undè patet latissimus Antisepticorum campus, ac de iis non lubricè judicandum. Sic, v. g., quoad regionem vel Clyma pertinet, refert Celeberr. *Lind* in suo aureo tractatu de morbis quibus Europæi in dissitis ac calidis Regionibus tentantur, febrem quamdam Putrido-Hepathicam apud Colonos Bataviæ exteros, in ultimis bellis grassari, quæ solo mercurio intus & extus, ad usquè ptyalissimum, adhibito, debellari poterat. In Cadaveribus hoc morbo denatorum, hepar putridum, fistulosum, favo mellis non absimile, repertum est &c. (1).

Jàm verò Antiseptica vel indirectè aut mediata, vel directè seu immediate in corpus vivum agere valent; undè fluit spontè divisio inter Antiseptica indirecta, & Antiseptica directa, quæ postrema, *Antiseptica propriè dicta*, vocanda sunt. Sic, v. g., topica quæ partem putredine laborantem, contactu aëris immunem servare valent, variæ aëris expurgandi vel renovandi methodi, purgantia quibus sordes putridæ primarum viarum eluuntur, &c., inter Antiseptica indirecta recensenda veniunt; cum Antiseptica propriè dicta, habenda sint illa quæ, ut jàm vidimus, proximè, immediate, in corpus vivum agendo, nempe qualitate sive occultâ, sive Physicâ vel Chemicâ, affectionem Principii vitæ ex conceptâ putredine, minuunt, corrigunt; Quodquidè lentè ac in remissiori tantum gradu, nonnulla Antiseptica præstare valent, qualia sunt illa quæ *Diætetica* vocantur; quamvis tamen Antiseptica Diætetica sint, ut putà quædam *Antiscorbutica*, quæ virtute An-

(1) Vid. *Notes aux Mémoires sur les fièvres & les maladies contagieuses*, &c. Hanc Dissertationem ex idiomate Anglico in Gallicum versam, Typis mandari nuper curavimus.

tisepticâ

antisepticâ notabili pollere videntur, cùm scilicet, muci moleculas tanquàm vitæ sigillô, in opere primæ digestionis, signatas, maximâ copiâ sanguini ac solidis enutriendis suppeditant, quarum molecularum luxuriantium ope instauratur, actuatur fermentatio vitalis labefactata, ut ingeniosè monet CANCEL. AMPL.

Verùm, quoniàm ex injuncto mihi munere, de antisepticiis propriè dictis duntaxat sermo habendus sit, hæc ideò juxtà scilicet binas, Principiū *sensifici* affectiones jam antè assignatas, in duas classes generales dispertiri juvat, nimirum 1^o, In *Temperantia*, *Demulcentia*, *Anodina*, &c. quæ pleraque leviora antiseptica præbent; 2^o, In *Tonica Cardiaca*, *Stimulantia* quæ validiora, notabiliora antiseptica continent &c. quæ iterum omnia utriusque classis remedia, inter se maritari vel temperari invicem necesse est, quatenus combinatæ ut plurimum observantur prædictæ *sensûs* aut Principiū Vitæ affectiones, nempe debilitas ac indignatio. Ast objiciet forsàn aliquis, mera ratio-cinia esse quæcumque circà modum agendi antisepticorum, ut & aliorum remediorum, proponuntur. Respondere liceat cum *Horat. siquid rectius istis candidus imperti; si non his utere mecum*. Medicina duas tantum notionum certarum species, strictè admittere valet, ut ait *Celeb. Cotugno* (1), nempe notiones circà morbos, & notiones circà auxilia, quæ binæ, effectus seu Phænomena à causis ignotis pleraque pendentia, duntaxat præbent. Quicumque ultrà progredi vult, theoriæ vel analogiæ indulgere necessario debet, quæ sapiens est dùm brevis est; ast qui morborum aut phænomenorum omnium in corpore vivo, theoriā cer-

tam hariolari , aut demonstrabilem ubiquè volunt , ii , ut ait Clar. *Samuel Musgrawe* , vestiario fabulæ aquiparandi sunt , qui vestes Lunæ accommodare volebat (1). Sufficiat igitur ut ea quam assero Doctrina , factis congruat , & exindè indicationes ac contra-indicationes obviæ fiant.

His prælibatis , ad singula deveniendum , quorum nonnulla tantum & quidem præstantiora capita leviter attingam , cum hæc singula passim à variis Autoribus uberrimè exponantur.

Et rum. de Temperantibus ; Acida tùm vegetantia , tùm mineralia in morbis putridis quotidie adhibita , tanquam Duces hujusce classis remediorum habentur. Eorum ope temperatur , demulcetur indignatio Principii Vitæ , vel minuitur aut corrigitur aliquatenus solidorum aut fluidorum putredo , &c. inter hæc autem , nempe vegetantia , acidum citri extrà morem prædicatur à nonnullis , ab aliis acetum non destillatum quod , in plurimis circumstantiis , palmam promereri videtur. Idem dicimus de mineralibus ; alii vitriolicum , alii muriaticum volunt ; Spiritum Nitri nullum pronuntiat *Sthalius*. Interim cautè exhibeantur acida , præsertim mineralia quæ vegetantibus validiora , & , quantum fieri potest , iis præcurrat vegetantium acidorum usus , quæ , incipiente morbo , ad refrænandum febris impetum conveniunt ; etenim acida vel immodicè vel intempestivè exhibita , viribus multum infensa observantur , & ventriculum ac intestina flatibus , torminibus non rarò afficiunt , vel motus naturæ salutes cohibere valent ; nocent insuper acida imminente pectoris inflammatione ; quod dictum sit præcipuè de mineralibus quæ , juxtà ipsosmet *Sthalianos* , parcâ dosi semper adhi-

benda. Hæc tamen prorsus rejici vult *Ellerus*, in vigore febris petechialis. Non aliter sub initio febrium malignarum in nosocomiis & carceribus sævientium, ab eorum usu abstinendum esse censet *Illustr. Pringle*; nihilominus tamen Autor sum cum aliis nonnullis, acida, saltem vegetantia, in his casibus non adeò reformidanda esse; de cætero acidorum usui purgantia præmittantur. Huc veniunt serum lactis acido quodam nuptum, emulsiones &c.

Demulcentia etiã & Anodina, eodem scopo temperandi, relaxandi, demulcendi externè, in inflammationibus putredini vel gangrænæ finitimis, adhibentur, qualia sunt cataplasmata, fomenta, &c, nempe ex micâ panis ac decocto plantarum emollientium præparata, quibus pro re natâ junguntur tum antiphlogistica, tum anodina quædam, ut putà acetum saturninum aquâ dilutum, crocus orientalis, camphora, flores sambuci, imò & opium ipsum, met quod antisepticum eximium, in nonnullis gangrænis, nuperrimè expertus est famosissimus Anglus *Percivall Pott*; sic more *Illustriss. Archiatri Stork* pluriès decoctum foliorum cicutæ, adversus peculiare quædam Gangrænas non sine successu adhibuimus, &c.

Nunc ad tonica, cardiaca, stimulantia transeamus. Hæc classem præstantissimorum ac vulgatissimorum antisepticorum, ut diximus, sistunt, quorum primas occupant cortex peruvianus, camphora, moschus, vinum, vesicantia, &c. &c.

Cortex peruvianus, cujus eximia virtus antiseptica nemini etiã rudissimo Medicinæ tyroni ignota, velut tonicum roborans, ac unâ simul humorum pravam diathesim corrigens, in morbis putridis agere videtur, sic vires aut exercitium Principii Vitæ restituens; undè perspicuum est, in diathesi quâcumque inflammatoriâ, quoties

scilicet adest memorata *sensûs* irritatio, pulsu duro ac tenso & calore immodico potissimum declarata, corticem peruvianum minimè convenire, imò & sæpissimè nocere. Hinc ratio cur generationem in febribus vernalibus, minùs benè quam in autumnalibus cortex iste succedat; verùm è contrà in debilitate Principii *Sensitivi* seu defectu vis *Tonicæ*, ut loquitur Sagacissimus *Cullenus* (1), præsto est cortex peruvianus ad quem, velut ad sacram anchoram, confugiamus oportet. Non aliter in febribus intermittentibus ac remittentibus quibuscumlibet, deficiente vi tonicâ, cortex feliciter adhibetur, imò & quandoquè nullâ apparente remissione aut intermissione, dùm putrida diathesis petechiis aut aliis hujusmodi maculis, unâ cum pulsu debili manifestatur. Sic etiâ in dysenteriis nonnullis putridis, etiâ recentibus, modò nullum ampliùs observetur inflammationis vel irritationis signum, cortex peruvianus tutò propinari valet, tunc enim humores putridos primarum viarum corrigit; ast in dysenteria paulò provectâ, illius actio tanquam adstrictoria censenda est. De hoc consulantur Clarissimi *Wilson & Neucastle*.

In Gangrænis præcipuè ex Atoniâ exortis, præstantissimos adhuc effectus edit laudatus Cortex, ut & in variolis nonnullis, nempe sub initio morbi, dùm petechiæ aliaque gravissima symptomata comparent, vel etiâ in stadio supurationis, cum diathesis putrida eò prorupit, ut coctionis spontaneæ ac laudabilis spem omnem

(1) Tonus, juxta Illustrissimum *Cullen*, pendet à robore quodam in cohæione molecularum in solidis, accedente virium nervearum influxu. Quod quidè, ut videtis, non parùm convenit cum iis quæ de *Tono essentiali* diximus, in Prælect. de *Ufu Med. Ferri*. Vid. *Lectures on the Mater. Med.*

adimat. Faustè in hoc casu puerulis cortice enematum formâ, non semel adhibui; minimè igitur audiendus est Celeberr. *Casimirus Medicus*, qui variolarum processum, etiâ sub initio, corticis ope sistere, morbumque impunè suffocare contendit. Cortex peruvianus, nisi prægresso Emetico vel Cathartico, unquàm exhibeatur, saltem quantum id fieri poterit; dosis sit conveniens ac partitis, quandòque etiâ confertis, vicibus exhibeatur; nequè etiâ inconsultè aut præcipitanter nimis, corticis intercidatur usus. Legitur in opere jam citato Celeberr. *Lind*, quod in Bengalenfi & Bencoolensi Regionibus, ubi vetustissimâ & quotidianâ observatione compertum est, Lunam aut maris æstum in paroxismos febriles maximè influere, quòd anno millesimo septingentesimo sexagesimo secundo, accedente Lunæ Eclipsi, Mercatores Angli & alii Europei, febre non ita pridem ex cortice peruviano curati, recidivum morbum quicumque omnes, eadem ipsamet Eclipsi die experti fuerint, cùm hujusce corticis usum incautè intermisissent.

Gravissima quidè alia de cortice peruviano, aliisque Antisepticis perpendenda nobis forent; equidè quò longius in altum invehor, PHIL. AMANTISS., eo mihi amplior & patientior orationis quasi cursus ostenditur; sed & temporis me ratio, juxtà scilicet Universitatis Decretum, ut vela contraham Portumque tandem aliquandò respiciam, monet. Itaque, finem dicendi faciam, si vos prius etiâ atque etiâ rogavero, ut si fortè minùs à me ornatè ac copiosè dictum est, quàm & hujus loci amplitudo & Audientium dignitas postulabant, meum tamen idcirco vestræ utilitati inserviendi, ac placendi vobis studium ne improbetis. Ego quidè si non indignus à vobis qui sæpiùs audirer judicatus sum, erit quod mihi

magnoperè gratuler & majori animo connitar,
 qui cùm à tot tam præclaris Præceptoribus & Ty-
 ronibus, tantâ benignitate anditus fuerim, mag-
 num mihi laboris Athletici fructum, hoc singulari
 beneficio, videor consecutus. *Dixi.*



N. B. Cùm nonnulli, fortè solâ vellicandi aut
 culpandi ratione, hujusce Opusculi Editionem
 reprehendere vellent, monitum volo Lectorem
 benevolum, quod JUDICES AMPL., ineunte con-
 certationum stadio, palàm adhortati sint Athletas,
 ut eorum unusquisque suas Typis mandaret Præ-
 lectiones.

9602

